

ROMANOS

Pablo Roma marãrẽ õãdoredea

¹ Y_H Pablo, Jesucristore moãboegu ããrã. Marĩp_H yure ãgũ masakare tauri kerere buedoregu beyepĩmi.

² Iripoegue Marĩp_H ãgũyare weredupuyunerãrẽ iri kerere weredi ããrĩmĩ. Irasirirã irire ãgũya werenĩrĩ gojadea pũgue gojanerã ããrĩmã. ³ ãgũsã gojadea, Marĩp_H magũ marĩ Op_H Jesucristoya kere ããrã. ãgũta i ãmũguere marĩ irirosũ dupakũgu deyoagu, David parãmi ããrĩturiagu ããrĩdi ããrĩmĩ.

⁴ ãgũ, Õãgũ deyomarĩgũrẽ opagu ããrĩmi. ãgũ boadero p_HH, Marĩp_H ãgũ turari merã ãgũrẽ masũdi ããrĩmĩ ããrĩpererãrẽ: “Diayeta y_H magũ ããrĩmi”, ãrĩ ãmũgũ. ⁵ ãgũta g_Hare õãrõ irigu, Jesucristo merã ãgũyare weredoregu pĩmi, ããrĩpereri buri marãrẽ ãgũrẽ b_Hremurãno ãgũ dorerire iriburo, ãrĩgũ. ⁶ M_Hsãdere Jesucristoyarã ããrĩburo, ãrĩgũ, beyedi ããrĩmĩ.

⁷ Irasirigu y_H m_Hsãrẽ Marĩp_H beyenerãrẽ ããrĩpererã Roma marãrẽ õãdorea. Marĩp_H ããrĩnĩgũ, marĩ Op_H Jesucristo m_Hsãrẽ õãrõ iritamu, siuñajãrĩ merã ããrĩrikũmakũ iriburo.

Pablo: “Romague waadũakoa”, ãrĩ gojadea

⁸ Ire m_Hsãrẽ wererũorigura. ããrĩperero marã masaka, m_Hsã Jesucristore b_Hremurĩrẽ werenĩpereakõãma. Irire pẽgu, Jesucristo iritamurĩ merã Marĩp_Hre usuyari sã. ⁹ ããrĩpereri y_H turari merã Marĩp_H yure dorerosũta masakare ãgũ

magũya kerere werea. Irasirigu ĩgũrẽ sērēriku, mũsāya āārĩburire sērēbosaníkõāa. Marĩpu irire masĩmi. ¹⁰ Irasirigu Marĩpure: “Mu yure Romague iriudũagu, yu waaburire āmuyuka!” ārĩ sērēnāa. ¹¹ Mũsā puro ejagu, gũñaturari merā Jesúre bũremunemoburo, ārĩgũ, ĩgũyare weredũakoa, Ōāgũ deyomarĩgũ yure iritamurõsũta mũsādere iritamuburo, ārĩgũ. ¹² Marĩ Jesúre bũremurā āārā. Irasirirā mũsā, yu ĩgũrẽ bũremumakũ ĩārā, nemorõ gũñaturarākoa. Yũde, mũsā ĩgũrẽ bũremumakũ ĩāgũ, gũñaturagũakoa.

¹³ Yaarā, yu mũsā puro waadũarire masĩmakũ gāāmekoa. Gajero marā masaka yu Jesúya kerere weremakũ pérā, ĩgũrẽ bũremuma. Irasirigu mũsāya makā marādere irire weregu waadũakoa, ĩgũsāde ĩgũrẽ bũremuburo, ārĩgũ. ¹⁴ Marĩpu yure āārĩpererārē iri kerere weredoremi. Paga makārĩ marārē, mutā makārĩ marārē, masĩrārē, masĩmerādere weredoremi. ¹⁵ Irasirigu mũsāya makā marārē Jesúre bũremumerārē ĩgũya kerere bũro weredũakoa.

Jesúya kerere pérā, ĩgũrẽ bũremunũgārākuma, ārĩ gojadea

¹⁶ Masaka iri kerere pérā, ĩgũrẽ bũremunũgārākuma. Irasirigu Marĩpu āārĩpererā Jesúre bũremurārē ĩgũ turari merā taugũkumi, perebiri peamegue waabirikõāburo, ārĩgũ. Judío masaka, judío masaka āārĩmerāde iri kerere pé, ĩgũrẽ bũremumakũ, Marĩpu ĩgũsārē taugũkumi. Irasirigu yu, gũyasĩrĩrĩ marĩrõ gũñaturari merā iri kerere werea.

17 Iri kere àsũ ãrã. Marĩpũ Jesucristore bũremurã direta: “Õãrã ããrĩma”, ãrĩ ããmi. Marĩpũya kerere gojadea pũguedere àsũ ãrĩ gojasũdero ããrĩbũ: “Marĩpũ irasũ bũremurãrẽ: ‘Õãrã ããrĩma’, ãrĩ ããmi. Irasirirã ãgũ merã ããrĩnĩkõãrãkuma”, ãrĩ gojasũdero ããrĩbũ.

Masaka ãgũsã ñerĩ iriri merã waja opama, ãrĩ gojadea

18-19 Marĩpũ masakare ãgũyamarẽ õãrõ masĩmakũ yãmi. ãgũ irire masĩmakũ irikererũ, ñerĩrẽ yãma. Irasirirã Marĩpũya diayemarẽ masĩmerã dujama. Irasirigũ Marĩpũ ãmũgasigue ããrĩgũ ããrĩpererã diayemarẽ irimerãrẽ, ñerõ irirãrẽ ãgũ bũro wajamoãburire masĩmakũ yãmi. ²⁰ Marĩpũ deyomarĩgũ ããrĩkererũ, ãgũ neõgorague i ãmũrẽ ããrĩpereri iridea merã ãgũ perebiri turarire, ãgũyamarẽ masĩsũa. Irasirirã masaka ãgũrẽ: “Masĩbirisĩã, waja opabea”, ãrĩmasĩbirikuma.

²¹ Marĩpũyamarẽ masĩkererã, ãgũrẽ: “Õãtaria mũ”, ãrĩ bũremubema. ãgũ õãrõ irikererũ, ãgũrẽ: “Õãa”, ãrĩ, usũyari sĩbema. Irasirirã ãgũyare pẽmasĩmerã dujama. Ñerĩ direta gũñarĩ opama. Irasiriro ãgũsã gũñarĩguere naĩĩãrõ irirosũ ããrã. ²² “Gũã masĩrã ããrã”, ãrĩkererã, Marĩpũyare neõ pẽmasĩmerã waama. ²³ Irasirirã Marĩpũ ããrĩnĩgũ gapũre bũremubema. Pũrũgue boaburi gapũre: masaka keorire, mirã, waimũrã paárã, pĩrũa keori ãgũsã weadeare bũremuma.

²⁴ Irasirigũ Marĩpũ ãgũsãrẽ ãgũsã ñerĩrẽ ãaribejari direta irinaburo, ãrĩgũ, bẽomi. Irasirirã gũyasĩũrõ ñerĩrẽ gãme irinĩkõãma. ²⁵ Marĩpũya diayema

gapure buremubema. Ārīgatori direta ðārð péma. Irasirirā Marīpū āārīpereri i ūmumarē iridi gapure buremumerā, Īgū iridea gapure buremuma. Īgūsā Īgūrē buremubirikerepuru, marī gapu Īgūrē: “Ōātaria mu”, ārī, usayari sīnīkðārð gāāmea. Irasūta irirā!

²⁶ Īgūsā buremubiri waja Marīpū Īgūsārē béomi, Īgūsā gāāmerð gūyasīūrð ñerīrē iriburo, ārīgū. Irasirirā nome ūmarē marāpukudubema. Nome basita gāme marāpukuduarā irirosū āārīma. Irasirirā Īgūsā nome seyaro ñerð yāma. ²⁷ Ūmade irirosūta yāma. Nomerē marāpokudubema. Ūma basita gāme marāpokuduarā irirosū āārīma. Īgūsā ūma seyaro ñerð yāma. Irasirirā Īgūsā basita ñerð iriri waja Īgūsāya duparire poyanorēma.

²⁸ Īgūsā Marīpūre masīdubiri waja Īgūsārē béomi, ñerī gūñarī direta opaburo, ārīgū. Irasirirā noó gāāmerð ñerīrē irinīkðāma. ²⁹ Āārīpereri ñerīrē iririkuma. Ūma nome merā, nome ūma merā ñerð iririkuma. Ņetariro iririkuma. Gajerāyare buro gāāmema. Gajerārē ñerð iriduma. Gajerā gajino opamakū ĩārā, Īgūsārē ĩaturima. Gāmewējērikurā, gāmekēārikurā, ārīgatorikurā, ñerð āārīrikurā, buro kerekurā āārīma. ³⁰ Gajerārē ārīgatori merā ñerð ārī werenīma. Marīpūre gāāmemerā dooma. Gajerārē ĩāmuīrikuma. “Gajerā nemorð āārā”, ārī gūñarā: “Ōārð yāa”, ārī weregorenama. Gajerosūperi ñerī iririre iribokaduma. Īgūsā pagūsāmarārē tarinugārikuma. ³¹ Ōārīrē pémasīdubema. Gajerārē: “Āsū irirāra”, ārīdeare neð keoro iribema. Neð sugunorē maīrī merā

ĩābema. Īgūsārē gajerā ñerō irideare neō kātimasĩbema. Gajerārē bopoñabema. ³² Marĩpũ irasirirārē: “Wajamoãgũra”, ārĩderosũta irigũkumi. Perebiri peamegue béogũkumi. Īgūsārē béoburire masĩkererā, ñerĩrē neō piribema. Gajerā ĩgūsā irirosũ ñerĩrē irimakũ ĩārā, õārō ɯɯyari merā ĩāma.

2

Ñerĩ irirārē Marĩpũ diayeta wajamoãgũkumi, ārĩ gojadea

¹ Irasirirā gajerārē werewɯarā ĩgūsā irirosũ irikererā, mɯsā basita werewɯarā yāa. Īgūsārē: “Īgūsā ñerō iriri waja, waja opama”, ārĩrā, mɯsā basita: “Gɯade waja opāa”, ārĩrā irirosũ ārĩrā yāa. ² Marĩpũ ñerĩ irirārē: “Īgūsā ñerĩ iriri waja, wajamoãgũra”, ārĩgũ, diayeta ārĩgũ yāmi. Irire masĩa marĩ. ³ Mɯsā gajerārē: “Ñerō yāma”, ārĩ werewɯarā, ĩgūsā irirosũ irikererā: “Marĩpũ gɯa gapɯre wajamoãbirikumi”, ¿ārĩ gũñarĩ? Irire irasũ ārĩ gũñabirikōāka! Marĩpũ mɯsādere mɯsā ñerō iriri waja, wajamoãgũkumi.

⁴ Mɯsā ñerĩ irirā: “Marĩpũ gɯare bɯro bopoñarĩ merā ĩāgũ, mata wajamoãbemi”, ārĩ gũñabirikōāka! Óārō pémasĩka! Mɯsā ñerō iririre bɯjaweremakũ ĩādɯagɯ, mɯsā gũñarĩrē gorawayumakũ ĩādɯagɯ, mata wajamoãbemi.

⁵ Mata wajamoãbirikeregɯ, mɯsā ĩgũrē neō pébirimakũ ĩāgũ, ñerō iririre neō piridɯabirimakũ ĩāgũ, mɯsā merā guanemomi. Irasirigɯ pɯrɯgue āārĩpererā ñerārē ĩgũ wajamoārĩnɯ ejamakũ, mɯsārē bɯro wajamoãgũkumi. Īgũ irasirimakũ

iārā, āārīpererā: “Diayeta ĩgūsārē wajamoāgūta yāmi”, ārī masīrākuma. ⁶ Irinurē Marīru masakakure ĩgūsā irideare iā beye, keoro wajarigukumi. ⁷ Ōārīrē irinīrā gapu: Marīru merā āārīdharā: “Musā ōārō yāa”, ārīmakū pēdharā, ĩgū prougue perebiri okarire opadharā āārīma. Irasirigu ĩgūsārē perebiri okarire sīgukumi, ĩgū merā āārīnīkōāburo, ārīgū. ⁸ ĩgūsā gāamerō irirā gapu diayemarē iridhabema. Nērī direta iridhama. Irasirigu Marīru ĩgūsā merā gua, burō ĩgūsārē wajamoāgukumi. ⁹ Āārīpererā nērī irirā nērō tari, burō gūnarikurākuma. Judío masakare waapurorirokoa. Judío masaka āārīmerādere irasūta waarokoa. ¹⁰ Marīru āārīpererā ōārī irirā gapure: “Ōārō yāma”, ārī iāgukumi. ĩgūsārē ĩgū merā ōārō āārīmakū irigukumi. Irasirigu siuñajārī opamakū irigukumi. Judío masakare irire iripurorīgukumi. Judío masaka āārīmerādere irasūta irigukumi.

¹¹ Marīru marī āārīpererārē: judío masakare, judío masaka āārīmerādere surōsūta iāmi. ¹² Judío masaka āārīmerā, Marīru Moisére doreri pīdeare opabirikererā nērī irimakū iāgū, Marīru ĩgūsārē perebiri peamegue béogukumi. Judío masaka ĩgū doreri pīdeare oparāde nērī irimakū iāgū, ĩgūsādere irire tarinugārī waja, wajamoāgukumi. ¹³ ĩgū Moisére doreri pīdeare pékererā irire iribirimakū iāgū, ĩgūsārē: “Ōārā āārīma”, ārī iābemi. Irire irirā gapure: “Ōārā āārīma”, ārī iāmi. ¹⁴ Judío masaka āārīmerā Marīru Moisére doreri pīdeare opabirikererā ōārō irirā, Marīru dorederosūta

yáma. Irasirirã ãgũsã basi Marĩpu doredeare oparã irirosũ irire yáma. ¹⁵ Marĩpu ãgũsã gũñarĩgue ãgũ doredeare masĩmakũ iridi ããrĩmĩ. Irasirirã ãgũ dorederosũta irirã, irire masĩrã irirosũ yáma. Õãrõ irirã, o ñerõ irirã, ãgũsã gũñarĩ merã ãgũsã irideare masĩma. Ñerĩrẽ irianerã: “Waja opáa”, ãrĩ gũñama. Irasũta õãrĩrẽ irianerãde: “Waja opabea”, ãrĩ gũñama.

¹⁶ Irasirigu Marĩpu ããrĩpererã ñerãrẽ wajamoãrĩnu ejamakũ, Jesucristore: “Ããrĩpererã gũñarĩrẽ, ãgũsã gajerã ããberogue irideare ãã beyeka!” ãrĩgukumi. Irasirigu Jesucristo ñerĩ gũñarĩ oparãrẽ, ñerĩ iririkũrãrẽ: “Wajamoãgũra”, ãrĩgukumi. Õãrĩ gũñarĩ oparãrẽ, õãrõ iririkũrãrẽ: “Wajamoãbirikoa”, ãrĩgukumi. Marĩpu masakare tauri kerere buegu, irireta buea yu.

Marĩpu Moisére doreri pídeamarẽ gojadea

¹⁷ Mũsã gapu: “Gua judío masaka Marĩpu Moisére doreri pídeare bũremusĩã, gajerã nemorõ Marĩpuyarã ããrã”, ãrĩ gũñadáa. ¹⁸ Gajire ãsũ ãrĩ gũñáa: “Gua Marĩpu gããmerĩrẽ, ãgũ Moisére doreri pídeare masĩrã ããrĩsĩã, õãrĩ direta beyemasĩa. ¹⁹ Irasirirã koye ããmerãrẽ tũãdupuyuwãgãrã irirosũ Marĩpuyare masĩmerãrẽ buemasĩa. Naĩtĩãrõgue ããrĩrãrẽ sĩãgoro irirosũ diayema iririre masĩmerãrẽ diayema gapure ãgũsãrẽ iridorea. ²⁰ Marĩpu Moisére doreri pídeare opasĩã, diayema iririre õãrõ masĩa. Irasirirã masĩmerãrẽ, majĩrã irirosũ ããrĩrãrẽ buerimasã ããrã”, ãrĩ gũñadáa mũsã. ²¹ Gajerãrẽ irasũ ãrĩ buekererã, ¿nasirirã mũsã basi bueberi? “Yajabirikõãka!” ãrĩ buekererã, ¿nasirirã yajari mũsã? ²² “Gajigu

marãpo, gajego marãpũ merã ñerõ iribirikõãka!”
 ãrĩ buekererã, ¿nasirirã irasũ yári? Masaka
 bũremurĩ keori weadeare dookererã, ¿nasirirã
 ãgũsã bũremurĩ wiirimarẽ yajari, irire opamurã?
 23 “Marĩpũ Moisére doreri pídeare opasĩã, gajerã
 nemorõ ããrã”, ãrĩ gũñakererã, iri dorerire
 tarinũgãrã, gajerãdere ãgũrẽ bũremubirimakũ
 irirã yáa. 24 Marĩpũya werenĩrĩ gojadea pũgue
 mũsã irasiririre ãsũ ãrĩ gojasũdero ããrĩbũ: “Mũsã
 judío masaka, judío masaka ããrĩmerãrẽ Marĩpũre
 ñerõ ãrĩ werenĩmakũ yáa”, ãrĩ gojasũdero ããrĩbũ.

25 Mũsã judío masaka Marĩpũ Moisére doreri
 pídeare irirã, mũsãya dupũma gasirogãrẽ*
 wiirisũnerã ããrĩmakũ õãgoráa. Marĩpũ mũsãrẽ:
 “Yaarã ããrĩma”, ãrĩ ããmi. Irire tarinũgãrã,
 mũsãya dupũma gasirogãrẽ wiirisũbirinerã
 irirosũ ããrã. 26 Judío masaka ããrĩmerã
 irasũ wiirisũbirinerã ããrĩkererũ,
 Marĩpũ Moisére doreri pídeare irimakũ:
 “Yaarã ããrĩma”, ãrĩ ããgũkumi. Judío
 masakadere ãgũsã irire irimakũ, irasũta
 ãrĩ ããgũkumi. 27 Judío masaka ããrĩmerã
 gapũ ãgũsãya dupũma gasirogãrẽ
 wiirisũbirinerã ããrĩkererã, Marĩpũ
 doredeare irirã, mũsãrẽ judío masakare
 iri doredeare oparãrẽ mũsã irire
 tarinũgãrĩ waja: “Waja opama”,
 ãrĩrãkuma. 28 Sugũ judío masakũ
 irasũ wiirisũdi: “Marĩpũyagũ ããrã”,
 ãrĩ gũñakererũ, Marĩpũre bũremubi,
 diayeta Marĩpũyagũ, judío

* 2:25 Gn 17.1-14: Iripoegue Marĩpũ Abrahãrẽ ãgũ pũrã ãmarẽ:
 “Yaarã ããrĩburo”, ãrĩãgũ, ãgũsãya dupũma gasirogãrẽ wiiridoredi
 ããrĩmĩ. Pũrũ iri dorerire Moisére pídi ããrĩmĩ. Irasirirã judío masaka
 Abraham parãmerã ããrĩturiarã iri dorerire irirã, ãgũsã pũrã ãmarẽ
 su mojõma pere gaji mojõ ãgeru pẽrẽbejarinãrĩ waaró merã ãgũsã
 deyoadero pũrũ irasũ yáama.

masakugora ããrĩbemi. ²⁹ Marĩpuyarã gapu irasũ wiirisũnerã dita ããrĩbema. Õãgũ deyomarĩgũ ĩgũsãya gũñarĩgue õãrĩ merã gorawayumakũ iridero puru, ĩgũsã Marĩpuyarã, judío masakagora ããrĩma. Masaka ĩgũsãrẽ: “Õãrã ããrĩma”, ãrĩ ĩãbirikerepuru, Marĩpu gapu: “Õãrã ããrĩma”, ãrĩ ĩãmi.

3

¹ Musã, yu irasũ ãrĩmakũ pérã: “¿Gua judío masaka, guaya dupuma gasirogãrẽ wiirisũnerã ããrĩrĩ wajamarĩkuri?” ¿ãrĩ gũñarĩ? ² Gua judío masaka ããrĩmakũ õãgorãa. Marĩpu guare wãri õãrĩrẽ sĩdi ããrĩmĩ. Irasirigu guare ĩgũya kerere pĩpuroridi ããrĩmĩ, irire gajerãrẽ weredoregu. ³ Yu irasũ ãrĩmakũ pérã: “Judío masaka surãyeri Marĩpu ĩgũsãrẽ: ‘Ãsũ irigura’, ãrĩdeare baremubirimakũ, irire iribirikumi” ¿ãrĩ gũñarĩ? ⁴ Neõ irasũ ãrĩ gũñabirikõãka! ããrĩpererã masaka ãrĩgatokerepuru, Marĩpu gapu neõ ãrĩgatobemi. ĩgũya werenĩrĩ gojadea pũgue ãsũ ãrĩ gojasũdero ããrĩbũ:

Gupuru, mu werenĩrĩ merã masakare mu diayema iririre masĩmakũ yãa. Mu ãrĩderosũta keoro irimakũ, neõ sugu masaku marẽ: “Diaye iribemi”, ãrĩmasĩbirikumi, ãrĩ gojasũdero ããrĩbũ.*

⁵ Gajerã irire pérã, ãsũ ãrĩmoãmabokuma: “Gua ñerõ iriri merã Marĩpu diaye iriri masakare masĩmakũ yãa. Gua irasirikerepuru, Marĩpu guare wajamoãgũ, diaye iribemi”, ãrĩbokuma. ⁶ Neõ irasũ ããrĩbea. ĩgũsã irasũ ãrĩrĩ keoro ããrĩmakũ,

* 3:4 Sal 51.4

Marĩpu neõ sugunorẽ ãgũsã ñerõ irikerepuru, wajamoãbiribokumi.

⁷ Gajerã idere arĩmoãmabokuma: “Gua arĩgatori merã Marĩpu arĩgatobi aãrĩrĩrẽ masakare masĩmakũ yãa. Irasirirã ãgũrẽ: ‘Õãtarimi’, arĩ buremuma. Gua irasirikerepuru, Marĩpu guare wajamoãgũ, diaye iribemi”, arĩbokuma. ⁸ Æsũ arĩbokuma doja: “Gua ñerĩ irimakũ, gajerã Marĩpu õãgũ aãrĩrĩ gapure masĩnemorãkuma”, arĩbokuma. Surãyeri guare ñerõ gũñarĩ merã: “Pablosãde irasũta arĩ buema”, arĩ werenĩma. ãgũsã irasũ arĩrĩ waja Marĩpu ãgũsarẽ wajamoãgũ, diayeta irigukumi.

Ããrĩpererã masaka waja oparã dita aãrĩma, arĩ gojadea

⁹ ¿Naãsũ arĩ gũñarĩ? ¿Marĩpu iũrõ marĩ judío masaka, gajerã nemorõ õãrã aãrĩrĩ? Neõ irasũ aãrĩbea. Marĩ aãrĩpererã judío masaka, judío masaka aãrĩmerãde ñerõ irirã aãrĩsĩã, waja oparã dita aãrã. Irire yu musãrẽ weresiabu.

¹⁰ Marĩpuya werenĩrĩ gojadea pũgue Æsũ arĩ gojasũdero aãrĩbũ:

Neõ suguno õãgũ mámi. Neõ marĩgorakõãmi.

¹¹ Neõ Marĩpuyare pémasĩgũ mámi. Neõ suguno ãgũrẽ masĩdũagu mámi.

¹² Aãrĩpererã Marĩpuyare irituyamerã, dedirimurã dita aãrĩma. Neõ suguno õãrĩrẽ irigu mámi. Neõ marĩgorakõãmi.✧

¹³ Masãgobe toyori gobe arĩwiurosũ ãgũsã ñerĩ werenĩrĩ aãrã. Arĩgatorikuma. Æña disigue nima opagu irirosũ pũrĩrõ werenĩma.✧

✧ 3:12 Sal 14.1-3; 53.1-3 ✧ 3:13 Sal 5.9; 140.3

- 14 Ñerĩ direta werení, gajerãrẽ dojama. Buro turirikuma.✧
- 15 Masakare wějěbéoduari direta opasurima.
- 16 Noó ĩgūsã waaró masakare poyanorẽ, ĩgūsãrẽ ñerõ tarimakũ yáma.
- 17 Gajerãrẽ siuñajãrĩ merã ããrĩmakũ neõ iribema.✧
- 18 Marĩpũre goepeyari merã buremubema. Irasirirã ĩgũrẽ güibema, ãrĩ gojasũdero ããrĩbũ.✧
- 19 Marĩ ire masĩa. ããrĩpererã Moisés doreri gua judío masakare: “Ãsũ irika!” ãrĩ pídeare iripeobirisĩã: “Waja opabea”, ãrĩmasĩbema. Irasirirã ããrĩpererã judío masaka, judío masaka ããrĩmerãde waja opasĩã, Marĩpũ wajamoãsũmurã dita ããrĩma.
- 20 Neõ sugũ masakũ Moisés doredeare iripeomasĩbemi. Irasirigũ: “Marĩpũ yũre: ‘Õãgũ ããrĩmi’, ãrĩ ĩãgukumi”, ãrĩmasĩbirikumi. Marĩpũ iri dorerire pídea merãta marĩrẽ: “Ñerã ããrã”, ãrĩ masĩmakũ yámi.

Marĩ Jesucristore buremurĩ merã tausũrãkoa, ãrĩ gojadea

21-22 Daporare Marĩpũ marĩrẽ ire masĩmakũ yámi. Marĩ Jesucristore buremumakũ, ĩgũ Moisére doreri pídeare iripeobirikerepũrũ, marĩrẽ: “Õãrã, waja opamerã ããrĩma”, ãrĩ ĩãmi. Irasirigũ marĩ ããrĩpererãrẽ Jesucristore buremurãrẽ sũrosũta ĩãmi. ĩgũ irasũ ãrĩ ĩãburire Moisés, gajerã ĩgũyare weredupuyurimasãde ĩgũya kerere gojadea pũgue gojanerã ããrĩmã.

✧ 3:14 Sal 10.7 ✧ 3:17 Is 59.7-8 ✧ 3:18 Sal 36.1

23 Marĩ ããrĩpererã ñerĩ irirã dita ããrã. Irasirirã, Marĩpu: “Y_u merã õãrõ ããrĩrãkoa”, ãrĩdeare marĩ basi neõ bokabirikoa. 24 Marĩ irasũ ããrĩkerepu_u, Marĩpu marĩrẽ maĩgũ ĩgũ magũ Jesucristore iriudi ããrĩmĩ, marĩ ñerĩ iridea wajare wajaribosadoreg_u. Irasirigu, marĩrẽ Jesucristore buremurãrẽ: “Waja opamerã ããrĩma”, ãrĩ ĩãmi. 25 Marĩpu Jesucristore ããrĩpererã masakare ĩgũsã ñerĩ iridea wajare wajaridoreg_u, ĩgũrẽ iriudi ããrĩmĩ. Irasirigu, Jesucristo boag_u dí béodea merã ĩgũrẽ buremurãrẽ ĩgũsã ñerĩ iridea wajare kãtidi ããrĩmĩ. Bopoñagũ ããrĩsĩã, iripoegue marãdere ĩgũsã ĩgũ: “Ãsũ irigura”, ãrĩdeare buremudea merã ĩgũsã ñerõ iridea wajare kãtidi ããrĩmĩ. Irire irigu, ĩgũ diaye irigu ããrĩrĩrẽ ĩmudi ããrĩmĩ. 26 Marĩpu ðapora marãdere Jesús marĩ ñerĩ iridea wajare wajaribosadea merã ĩgũrẽ buremurãrẽ: “Õãrã, waja opamerã ããrĩma”, ãrĩ ĩãmi. Irasirigu marĩrẽ ĩgũ diaye irigu ããrĩrĩrẽ masĩmakũ yãmi.

27 Irasirirã Marĩpu ĩũrõ marĩ basita: “Õãrã ããrã, ĩgũ Moisére doreri pídeare iripeorã yãa”, ãrĩmasĩbea. Ãsũ gap_u ãrĩ masĩa. Marĩpu, Jesúre marĩ buremumakũ, marĩrẽ: “Õãrã ããrĩma”, ãrĩ ĩãmi. 28 Ire masĩa. Marĩpu Moisére doreri pídeare marĩ irimakũ meta marĩrẽ: “Õãrã ããrĩma”, ãrĩ ĩãmi. Marĩ Jesúre buremumakũ, marĩrẽ: “Õãrã ããrĩma”, ãrĩ ĩãmi.

29-30 ¿Marĩpu judío masaka direta Op_u ããrĩrĩ? Neõ irasũ ããrĩbemi. Judío masaka, judío masaka ããrĩmerãdere ĩgũ suguta ããrĩpererã Op_u ããrĩmĩ. Irasirigu, ĩgũsã Jesúre buremumakũ: “Õãrã, waja opamerã ããrĩma”, ãrĩ ĩãmi. 31 Irasirirã marĩ Jesúre

buremurã, ¿Marĩpu Moisére doreri pídeare béorã yári? Æãrĩbea. Marĩ ìgũrẽ buremurã Marĩpu dorerire nemorõ irinemowãgãrãkoa.

4

Pablo, Abraham Marĩpũre buremudeare gojadea

¹ Irasirirã, ¿naásũ ãrĩrãkuri Abrahãrẽ, marĩ ñekũ ããrĩpũroridire? ¿Naásũ waayuri ìgũrẽ?

² Marĩpu Abrahãrẽ: “Õãrõ irigu ããrĩsĩã, õãgũ ããrĩmi”, ãrĩ ìãbodi ããrĩkerepũru, Abraham ìgũ basi: “Marĩpu ìũrõ õãrõ yãa”, neõ ãrĩmasĩbiriunadi ããrĩmí. ³ Marĩpũya werenĩrĩ gojadea pũgue ãsũ ãrĩ gojasũdero ããrĩbú: “Abraham Marĩpũre buremumakũ, Marĩpu ìgũrẽ: ‘Õãgũ ããrĩmi’, ãrĩ ìãdi ããrĩmí”, ãrĩ gojasũdero ããrĩbú.

⁴ Æsũ ããrã. Sugũ gajino moãdire wajarirã, irasũ sĩkõãrã meta irikuma. Ìgũ moãdea waja wajarirã irikuma. ⁵ Marĩpu gapũ irasiribemi. Ñerãrẽ, ìgũsã õãrĩrẽ iribirikerepũru, ìgũrẽ buremumakũ: “Waja opamerã ããrĩma”, ãrĩ ìãmi. Irasirigu, marĩ ìgũrẽ buremumakũ: “Yũ ìũrõ õãrã ããrĩma”, ãrĩ ìãmi. ⁶ Iripoeguemu Davide yũ ãrĩrõsũta gojadi ããrĩmí. Marĩpu masaka iririre ìãgũ: “Õãrã ããrĩma”, ãrĩ ìãgũ meta ããrĩmi. Ìgũrẽ buremurã direta: “Õãrã ããrĩmã”, ãrĩ ìãgũ ããrĩmi. Irasirirã ìgũ merã õãrõ mũyama. ⁷ Irire ãsũ ãrĩ gojadi ããrĩmí David:

Marĩpu dorerire tarinũgãrãrẽ ìgũsã ñerõ iridea wajare ìgũ kãtimakũ, õãrõ mũyama.

8 Marĩpu ĩgũsã ñerõ iridea wajare: “Neõ gũñabirikoa”, ãrĩmakũ, õãrõ usuyama, ãrĩ gojadi ããrĩmĩ David.*

9 Judío masaka ĩgũsãya dupama gasirogãrẽ wiirisũnerã dita usuyabirikuma. Judío masaka ããrĩmerãde usuyarãkuma. Abrahãrẽ dupaturi gũñaka! ĩgũ Marĩpure buremumakũ, Marĩpu ĩgũrẽ: “Õãgũ, waja opabi ããrĩmi”, ãrĩ ĩãdi ããrĩmĩ. 10 ¿Naásũ ããrĩmakũ, Marĩpu Abrahãrẽ: “Õãgũ ããrĩmi”, ãrĩ ĩãyuri? ĩgũya dupama gasirogãrẽ wiiridero puru, ¿ĩgũrẽ irasũ ãrĩ ĩãyuri? ããrĩbea. ĩgũ irire iriburi dupuyurogueta: “Õãgũ ããrĩmi”, ãrĩ ĩãsiadi ããrĩmĩ. 11 Marĩpu ĩgũrẽ: “Õãgũ ããrĩmi”, ãrĩ ĩãdero puru, ĩgũrẽ irasũ wiiridoredi ããrĩmĩ, ĩgũyagu ããrĩrĩrẽ ĩmudoregu. Irasirigu dupuyurogue ĩgũrẽ: “Õãgũ ããrĩmi”, ãrĩ ĩãdeare diaye masĩmakũ iridi ããrĩmĩ. Sugu Abraham buremuderosũta Marĩpure buremumakũ, Marĩpu ĩgũrẽ: “Õãgũ ããrĩmi”, ãrĩ ĩãmi. Irasirigu Abraham ããrĩpererã Marĩpure buremurã ñekũ ããrĩpuroridi ããrĩmĩ, ĩgũsãya dupama gasirogãrẽ wiirisũbirikerepuru.

12 ããrĩpererã ĩgũsãya dupama gasirogãrẽ wiirisũnerã Marĩpure buremurã, diayeta Abraham parãmerã ããrĩma. Abraham irasũ wiirisũburi dupuyuro Marĩpure buremuderosũ ĩgũsãde buremurã, diayeta Abraham parãmerã ããrĩma.

Marĩpu, Abraham ĩgũrẽ buremumakũ: “Ãsũ irigũra”, ãrĩdeare gojadea

* 4:8 Sal 32.1-2

13 Marĩpu Abrahãrẽ: “I nikũrẽ murẽ, mu parãmerã ããrituriarãdere sĩgura”, ãrĩdi ããrĩmĩ. Īgũ doredeare irimakũ ĩãgũ meta irasũ ãrĩdi ããrĩmĩ. Īgũrẽ buremumakũ: “Õãgũ ããrĩmĩ”, ãrĩ ĩãdi ããrĩmĩ. Irasirigu ĩgũrẽ: “I nikũrẽ sĩgura”, ãrĩdi ããrĩmĩ. 14 Marĩpu ĩgũ doredeare irirã direta: “Sĩgura”, ãrĩdeare sĩmakũ, marĩ ĩgũrẽ buremurĩ wajamarĩbokuyo. Irasũ ããrĩmakũ, ĩgũ Abrahãrẽ: “Sĩgura”, ãrĩdea ubu ããrĩrĩta ããrĩyuwarikũkõãbokuyo. 15 Marĩpu Moisére doreri pídeare masĩkererã, irire tarinũgãrã, wajamoãsũrãkuma. Iri doreri marĩmakũ, irire neõ tarinũgãrĩ marĩbokuyo.

16 Irasirigu Marĩpu ĩgũrẽ buremurã direta ĩgũ Abrahãrẽ ãrĩderosũta sĩgũkumi. Īgũ doreri pídeare irirã direta: “Sĩgura”, ãrĩbirikumi. Abraham Marĩpũre buremuderosũ buremurãno ĩgũ parãmerã ããrituriarã ããrĩma. Irasirigu Marĩpu Abrahãrẽ ãrĩdeare ĩgũsãrẽ ããrĩpererãrẽ wajamarĩrõ sĩgũkumi. Abraham, marĩ ããrĩpererã Marĩpũre buremurã ñekũ ããrĩdi ããrĩmĩ. 17 Marĩpu ĩgũya werenĩrĩ gojadea pũgue Abrahãrẽ ãsũ ãrĩdi ããrĩmĩ: “Murẽ wãri buri marã ñekũ ããrĩbure píbu”, ãrĩdi ããrĩmĩ. Marĩpu irasũ ãrĩmakũ pẽgu, Abraham ĩgũrẽ buremudi ããrĩmĩ. Irasirigu Marĩpũre buremugũ, ĩgũ ĩũrõ marĩ ñekũ ããrĩdi ããrĩmĩ. Marĩpu boanerãrẽ masũgũ ããrĩmĩ. Īgũ werenĩrĩ merã dupuyurogue marĩdeare ããrĩmakũ irimasĩmi.

18 Marĩpu Abrahãrẽ: “Mu parãmerã ããrituriarã wãrã ããrĩrãkuma”, ãrĩripoere Abraham gapũ pũrã marĩdi ããrĩmĩ. Pũrã marĩkeregu: “Marĩpu ĩgũ yũre ãrĩderosũta irigũkumi”, ãrĩ buremudi

ããrĩmĩ. Irasirigũ Abraham wári buri marã ñekũ waadi ããrĩmĩ. ¹⁹ Ìgũ cien bojori opakeregũ, Ìgũ marãpode búro ããrĩkerepũrũ, Marĩpũre bũremusĩã: “Neõ pũrãkũbirikoa”, ãrĩ gũñabiridi ããrĩmĩ. Æsũ gapũ ãrĩ gũñadi ããrĩmĩ: “Gũare pẽrãguereta pũrãkũboadero tarikerepũrũ, Marĩpũ Ìgũ yũre ãrĩderosũta irigũkumi. Yũ irire masĩa”, ãrĩdi ããrĩmĩ. ²⁰ “Marĩpũ ãrĩderosũta irigũkumi”, ãrĩ bũremurĩrẽ neõ piribiridi ããrĩmĩ. Irasirigũ gũñatura, Marĩpũre bũremunemodi ããrĩmĩ. “Marĩpũ turatarigũ ããrĩmĩ”, ãrĩ, Ƴsũyari sídi ããrĩmĩ. ²¹ Irasirigũ Abraham: “Marĩpũ yũre ãrĩderosũta diayeta Ìgũ turari merã iriyuwarikũgũkumi. Yũ irire õãrõ masĩa”, ãrĩ bũremudi ããrĩmĩ. ²² Ìgũ bũremumakũ, Marĩpũ Ìgũrẽ: “Õãgũ ããrĩmĩ”, ãrĩ ìãdi ããrĩmĩ.

²³ Irire Marĩpũya werenĩrĩ gojadea pũguere gojasũdero ããrĩbũ. Iri Abrahãyama direta gojadea meta ããrĩdero ããrĩbũ. ²⁴⁻²⁵ Marĩpũ Abrahãrẽ: “Õãgũ ããrĩmĩ”, ãrĩ ìãderosũta marĩdere: “Õãrã ããrĩma”, ãrĩ ìãburire gojadea ããrĩdero ããrĩbũ. Irasirigũ Marĩpũ, marĩ Ìgũrẽ bũremumakũ, marĩdere: “Õãrã ããrĩma”, ãrĩ ìãmi. Marĩ ñerĩ iridea waja Marĩpũ Jesũre Ìgũrẽ wẽjẽmurãguere wiadi ããrĩmĩ, marĩrẽ boabosaburo, ãrĩgũ. Marĩ Opũ Jesũs boadero pũrũ, Marĩpũ marĩrẽ õãrã, waja opamerã ããrĩmakũ iribu, Ìgũrẽ masũdi ããrĩmĩ.

5

Marĩpũ ìũrõ waja opamerã ããrã, ãrĩ gojadea

¹ Marĩ Opũre Jesucristore marĩ bũremumakũ, Marĩpũ marĩrẽ: “Õãrã, waja opamerã ããrĩma”,

ãrĩ ãĩmi. Irasirigu Marĩpu, Jesús marĩ ñerĩ iri-
 dea waja boabosadea merã marĩrẽ ãgũ merã
 siuñajãrĩ opamakũ iridi ããrĩmĩ. ² Marĩ Jesucristo
 buremurã, Marĩpu marĩrẽ maĩgũ merã õãrõ
 ããrã. Pũrugue Marĩpu ãgũ irirosũ marĩrẽ õãrã
 ããrĩmakũ irigukumi. Irasirirã gũñaturari merã,
 õãrõ usuyari merã ãgũ õãrõ iriburire yúa. ³ Gajire
 masĩa. Marĩ ñerõ tarirã, Marĩpũre marĩrẽ irita-
 mugũrẽ gũñaturanemorãkoa. Irasirirã marĩ ñerõ
 tarikererã, usuyamasĩa. ⁴ Marĩ ãgũrẽ gũñaturari
 merã ñerõ tarire bokatĩũmakũ, Marĩpu marĩrẽ:
 “Õãrõ yãma”, ãrĩgukumi. Irasirirã, ãgũ marĩrẽ
 õãrõ iriburire gũñaturari merã yúa. ⁵ Marĩpu
 marĩrẽ Õãgũ deyomarĩgũrẽ iriudi ããrĩmĩ marĩ
 merã ããrĩdoregu. Irasirigu Õãgũ deyomarĩgũ merã
 marĩrẽ ãgũ maĩrĩrẽ opatarimakũ yãmi. Irasirirã:
 “Marĩpu marĩrẽ: ‘Õãrõ iritamugũra’, ãrĩdeare keoro
 irigukumi”, ãrĩ masĩa.

⁶ Marĩ basi peamegue waaburire tari-
 masĩbirimakũ, Marĩpu marĩrẽ tauripoe ejamakũ,
 Cristo marĩ ñerãrẽ boabosadi ããrĩmĩ. ⁷ Marĩ
 gapũ sugũ boaboadeare boabosabirikoa, ãgũ
 diayemarẽ irigu ããrĩkerepũ. Gajipoe irirã
 sugũ õãgũ gapũre boabosabokoa. ⁸ Marĩpu gapũ
 marĩ ñerã ããrĩkerepũ ãgũ marĩrẽ bure maĩrĩrẽ
 masĩmakũ iribu, Cristo iriudi ããrĩmĩ. Irasirigu
 Cristo marĩya ããrĩburire boabosadi ããrĩmĩ. ⁹ Cristo
 boagũ ãgũya dí béodea merã Marĩpu marĩrẽ waja
 opamerã ããrĩmakũ iridi ããrĩmĩ. ãgũ irasiridero
 nemorõ ãgũ ããrĩpererã ñerãrẽ wajamoãrĩnu
 ejamakũ, Cristo merãta marĩrẽ taugukumi. ¹⁰ Marĩ
 Marĩpũre gããmemerã ããrĩkerepũ, ãgũ magũ

marĩrẽ boabosadea merã ĩgũ merã siuñajãrĩ opamakũ iridi ããrĩmĩ. ĩgũ irasiridero nemorõ Cristo marĩrẽ boabosa, dupaturi okadea merã marĩrẽ ĩgũ merã siuñajãrĩ oparãrẽ taugukumi. ¹¹ I gaji ããrĩnemoa. Marĩpu, marĩ Opũ Jesucristo merã marĩrẽ ĩgũ merã siuñajãmakũ irideare gũñarã, ĩgũ merã bũro usuyãa.

Adán, irasũ ããrĩmakũ Cristo iridea

¹² Āsũ ããrã. Neõgoraguere Adán ñerĩ iripũroridi ããrĩmĩ. ĩgũ ñerĩ iridea waja boadi ããrĩmĩ. ĩgũ sugũya waja merãta ããrĩpererã ĩgũ parãmerã ããrĩturiarãde ñerĩ iri, boamurã dita ããrĩma. ¹³ Marĩpu Moisére ĩgũ doreri píburi dupuyurogueta masaka ñerĩ irisianerã ããrĩmã. ĩgũsã ñerĩ irikerepũũ iri doreri marĩmakũ, Marĩpu ĩgũsãrẽ: “Iri dorerire tarinũgãrĩ waja, waja opama”, ãrĩbiridi ããrĩmĩ dapa. ¹⁴ Irasũ ããrĩkerepũũ, Adán parãmerã ããrĩturiarã Moisés ããrĩdeapoegue ããrĩnerãde boanerã ããrĩmã. ĩgũsã Marĩpu doredeare Adán tarinũgãderosũ iribirikererã, ĩgũsã ñerĩ iridea waja boanerã ããrĩmã. Adán i ãmũrẽ ããrĩpũrorigũ, Marĩpu doredeare tarinũgãpũroridi ããrĩmĩ. Jesucristo gapũ i ãmũguere aarigũ, Marĩpu dorerire tarinũgãbiripũroridi ããrĩmĩ.

¹⁵ Marĩ Adán tarinũgãdeare, Marĩpu marĩrẽ maĩgũ õãrõ irideare masãa. Adán sugũya waja merãta masaka ããrĩpererã boamurã dita ããrĩma. Marĩpu gapũ marĩrẽ maĩgũ, marĩrẽ taubure Jesucristore iriudi ããrĩmĩ. Irasirigũ Jesucristo sugũ ããrĩkeregũ, ããrĩpererãya ããrĩburire wajamarĩrõ

boabosadi ããrĩmĩ. Irasirigũ Marĩpũ Jesucristo merã marĩrẽ wáro õãrĩ iridi ããrĩmĩ. ¹⁶ Adán Marĩpũ doredeare suñarõ tarinũgãdea waja merãta ããrĩpererã masaka waja opama. Marĩ wári ñerĩ irikererũ, Marĩpũ marĩrẽ maĩgũ, wajamarĩrõ Jesucristore iriudi ããrĩmĩ, marĩ ñerõ iridea wajare taudoregũ. Irasirigũ Jesús merã marĩrẽ waja opamerã ããrĩmakũ iridi ããrĩmĩ. ¹⁷ Adán sugũ Marĩpũ doredeare tarinũgãdea waja merãta marĩ ããrĩpererã boamurã dita ããrã. Marĩpũ gapũ marĩrẽ burõ maĩgũ Jesucristore iriudi ããrĩmĩ, marĩrẽ boabosadoregũ. Irasirigũ Jesucristo sugũ marĩrẽ wajamarĩrõ boabosadea merã Marĩpũ marĩrẽ: “Õãrã, waja opamerã ããrĩma”, ãrĩ ããrĩ. Ìgũ irasiridero nemorõ Jesucristo merã Ìgũ irasũ ãrĩ ããrãrẽ maama okari opamakũ irigũkumi, Ìgũ turari merã Ìgũyare iriburo, ãrĩgũ.

¹⁸ Adán, Marĩpũ doredeare tarinũgãdea waja merãta masaka ããrĩpererã ñerĩrẽ iriwekabejama. Irasirirã Marĩpũ wajamoãsumurã dita ããrĩma. Jesucristo diayema irigũ marĩ ñerĩ iridea waja boabosadea merã gapũ Marĩpũ marĩrẽ: “Õãrã, waja opamerã ããrĩma”, ãrĩ ããrĩ, Ìgũ merã ããrĩnikõãburo, ãrĩgũ. ¹⁹ Æsũ ããrã. Adán, Marĩpũ doredeare tarinũgãdea waja merãta masaka ããrĩpererã ñerĩrẽ irirã dita ããrĩma. Jesucristo Marĩpũ dorerire iridea merã ããrĩpererã Ìgũrẽ burẽmurãnorẽ waja opamerã ããrĩmakũ iridi ããrĩmĩ. Irasirigũ Marĩpũ Ìgũsãrẽ: “Õãrã ããrĩma”, ãrĩ ããrĩ.

²⁰ Marĩpũ Ìgũ dorerire pídi ããrĩmĩ, marĩrẽ iri dorerire tarinũgãrĩrẽ masĩnemomakũ iribu. Wári ñerĩ marĩ irikererũ, Marĩpũ gapũ marĩrẽ burõ

maĩgũ, marĩ ñerĩ iriro nemorõ Jesucristo merã marĩrẽ õãtariro iridi ããrĩmĩ. ²¹ Marĩ ããrĩpererã ñerĩ iridea waja boamurã dita ããrĩunanerã ããrĩbũ. Irasũ ããrĩkerepũ, Marĩpũ marĩrẽ maĩgũ, bopoñarĩ merã ããsĩã, marĩ Opũ Jesucristo boabosadea merã marĩrẽ waja opamerã ããrĩmakũ iridi ããrĩmĩ, ĩgũ pũro perebiri okarire opadoregũ.

6

Cristo merã õãrõ ããrĩã, waja opamerã ããrĩrĩmarẽ gojadea

¹ Marĩpũ marĩrẽ bopoñamakũ ĩãrã, ¿naásũ ãrĩrãkuri? Marĩrẽ ĩgũ bopoñanemomakũ ĩãdũarã, ¿ñerĩrẽ irinemorãkuri? ² Irasũ neõ ããrĩbea. Marĩ Jesucristo marĩrẽ boabosadi merã boanerã irirosũ ããrã. Irasirirã, boanerã ñerĩrẽ neõ irinemomasĩmerã irirosũ ñerĩrẽ irinemobirikõãrõ gããmea. ³ Mũsã ire masĩa. Marĩ deko merã wãĩyesũrã, marĩ Jesucristoyarã ããrĩrĩrẽ ĩmubũ. Marĩ ĩgũyarã ããrĩsĩã, ĩgũ boamakũ, marĩde ĩgũ merã boanerã irirosũ waanerã ããrĩbũ. ⁴ Marĩ wãĩyesũrã, ĩgũ boadero pũrũ yãasũmakũ, marĩde ĩgũ merã yãasũnerã irirosũ waanerã ããrĩbũ. Marĩpũ ãmũgasigue ããrĩgũ ĩgũ turari merã ĩgũrẽ masãgũ, marĩdere ĩgũ merã masãnerã irirosũ ããrĩmakũ iridi ããrĩmĩ, ĩgũ merã maama okarire opaburo, ãrĩgũ.

⁵ Marĩ Cristoyarã ããrĩsĩã, ĩgũ boaderosũta marĩde ĩgũ merã boanerã irirosũ waanerã ããrĩbũ. Irasirirã, ĩgũ boadigue masãderosũta marĩde masãrãkoa. ⁶ ĩsũ masĩa. Cristo curusague boamakũ, marĩ ñerĩ direta iririkũnerã ĩgũ merã curusague boanerã irirosũ waanerã ããrĩbũ. Irasiriro marĩ ñerĩrẽ ãaribejari, marĩrẽ

tarinugãmasĩbirikoa pama. ⁷ Masaka boadero p̄m̄, ãgũsã ñerĩ iririkũire neõ irinemobirikuma.

⁸ Marĩ Cristo merã boanerã irirosũ ããrĩrã: “Ígũ merã õãrõ ããrĩnĩkõãrãkoa”, ãrĩ b̄remua. ⁹ Idere õãrõ masĩa. Cristo boadero p̄m̄, Marĩp̄m̄ ãgũrẽ masũ, dupaturi okamakũ iridi ããrĩmĩ. Irasiriḡm̄ Cristo dupaturi neõ boabirikumi pama. Boari neõ dupaturi ãgũrẽ tarinugãmasĩbirikoa. ¹⁰ Ígũ suñarõta boari merã marĩ ñerĩ iridea wajare boa, wajaripeokõãdi ããrĩmĩ. Ígũ boadero p̄m̄, Marĩp̄m̄ ãgũrẽ masũ, dupaturi okamakũ iridi ããrĩmĩ. Ígũrẽ masũ, dupaturi okamakũ iridero p̄m̄, Marĩp̄m̄ gããmerõsũta iriḡm̄ Marĩp̄m̄ merã õãrõ ããrĩnĩkõãmi. ¹¹ Irasirirã m̄sã ãsũ ãrĩ gũñaka! “Ḡm̄ Op̄m̄ Jesucristo merã ḡm̄ boanerã irirosũ ããrĩsĩã, ḡm̄ ñerĩrẽ iriunaderosũ irinemobirikoa”, ãrĩ gũñaka! “Irasirirã ãgũyarã ããrĩsĩã, Marĩp̄m̄ gããmerõsũta iri, ãgũ merã õãrõ ããrĩnĩkõãrã!” ãrĩ gũñaka!

¹² Irasirirã m̄sãya dup̄m̄ boaburi dup̄m̄ merã ñerĩrẽ neõ irinemobirikõãka, m̄sã ñerĩrẽ m̄aribejari m̄sãrẽ tarinugãbirikõãburo, ãrĩrã! ¹³ M̄sãya mojõrĩ, m̄sã gũñarĩ, ããrĩpereri m̄sãya dup̄m̄gue ããrĩrĩ merã ñerĩrẽ iribirikõãka! M̄sã Cristo merã boanerã dupaturi okarã irirosũ ããrã. Irasirirã ãsũ gap̄m̄ irika! ããrĩpereri m̄sãya dup̄m̄gue ããrĩrĩrẽ Marĩp̄m̄re wiaka, ãgũ gããmerõsũta õãrĩ diretta irimurã! ¹⁴ Marĩ irire irasirimakũ, marĩ ñerĩ iridũari marĩrẽ tarinugãmasĩbirikoa. Marĩp̄m̄ marĩrẽ: “Ȳm̄ Moisére doreri pídeare iribirimakũ, m̄sãrẽ béoḡm̄”, ãrĩbemi. ãsũ gap̄m̄ marĩrẽ yámi. Ígũ marĩrẽ maĩgũ ããrĩsĩã, marĩrẽ iritamumi, ãgũ doredeare iriburo, ãrĩgũ.

Marĩ, Cristore moãboerã ããrĩrĩmarẽ gojadea

¹⁵ Marĩpu marĩrẽ maĩmakũ ããrĩrĩ: “Marĩ, Marĩpu doreri pidea merã ããrĩbea. Irasirirã ñerĩrẽ irirã!” ¿ãrĩrĩ? Irire neõ ãrĩbirikõãrã! ¹⁶ Musã ire õãrõ masĩa. Marĩ sugũ dorerire irirã, ãgũyarã ãgũrẽ moãboerã ããrĩrĩkoa. ãgũ marĩ opu ããrĩgũkumi. Iri irirosũta marĩ ñerĩ iridũari, marĩ opu, marĩrẽ doregũ irirosũ ããrĩrokoa. Irasirirã marĩ ñerĩ iririre pirimerã, Marĩpu merã perebiri okari bokabirikoã. ãgũ doreri gapure irirã ãgũrẽ moãboerã diayemarẽ irinĩrãkoa. ¹⁷⁻¹⁸ Iripoegue ñerĩ iridoregũyarã ãgũrẽ moãboerã irirosũ musã ñerĩ iridũarire irinerã ããrĩbũ. Marĩpu musãrẽ ãgũya buerire pemasĩmakũ iridero purũ, ãgũ doreri gapure musã õãrõ irituyãã. Irasirirã ñerĩ iridoregũyarã ãgũrẽ moãboerã irirosũ neõ ããrĩbea pama. ãgũrẽ wirinerã irirosũ ããrĩrã, Marĩpure moãboerã ñãjãnerã ããrã, diayema gapure irimurã. Irasirirã irire gũñarã: “Mũ gũare irasirideã õãtaria”, ãrĩ, usũyari sĩa ãgũrẽ! ¹⁹ Yũ ire musãrẽ pemasĩmakũ gããmegũ, masaka ãgũsã gũñarĩ merã wererosũ wereã. Iripoegue ããrĩpereri musãya dupugue ããrĩrĩ merã ãmũrikũ ñerĩ direta irinĩkõãnerã ããrĩbũ. Daporare ããrĩpereri musãya dupugue ããrĩrĩrẽ Marĩpure wiaka, ãgũrẽ moãboerã diayema direta irimurã! Irasirirã ãgũ gããmerĩ direta iririkũrãkoa.

²⁰ Iripoegue musã ñerĩ iridũari direta irirã, Marĩpure moãboerã ãgũ gããmerĩ direta iriro gããmekoã, ãrĩbirinerã ããrĩbũ. ²¹ Musã ñerĩrẽ irasirirã, ¿ñeeno õãrĩrẽ bokari? Dapora musã ñerĩ iriunadeare gũñarã, burũ gũyasĩrĩa. Iri ñerĩrẽ musã irideã waja perebiri peamegue waabokuyo.

²² Iripoegue marĩ ñerĩ direta iridoregure moãboerã irirosũ ããrĩunanerã ããrĩbú. Daporare Marĩpũ marĩrẽ wiudero pũũ, ãgũrẽ moãboerã ããrã. Irasirirã ãgũ gããmerĩrẽ iriwãgãrã, ãgũ pũro perebiri okarire opamurã ããrã. ²³ Ñerĩ irirãno, ãgũsã ñerĩ iriri waja, perebiri peamegue waarĩre wajatarãkuma. Marĩpũ, marĩ Opũ Jesucristore bũremurã garũre wajamarĩrõ ãgũ pũro perebiri okari opaburire sãgũkumi.

7

Mojõsiarima keori merã weredeã

¹ Yaarã, mũsã Marĩpũ Moisére doreri pídeare õãrõ masĩa. Sugũ masakũ ãgũ okarinũrĩ direta iri dorerire irimasĩmi. ² Marĩpũ doreri pídea ãsũ ãrã. Sugo nomeõ igo mojõsiadero pũũ, igo marãpũ okaripoere igo ãgũ merã ããrĩnĩkõãkumo. ãgũ boamakũ, igo marãpũ dagũ merã ããrĩdea perekoa. Gajigũ merã mojõsiamasĩkumo doja. ³ Igo marãpũ okakerepũũ gajigũ merã marãpũkũgo, ãgũ merã ñerõ irigo Marĩpũ dorerire tarinũgãgõ irikumõ. Igo marãpũ boadero pũũgue dita gajigũ merã marãpũkũmasĩkumo. Irasirigo ãgũ merã ñerõ irigo meta irikumõ. Marĩpũ dorerire tarinũgãbirikumõ.

⁴ Yaarã, mũsãde ãsũta ããrã. Iripoegue Marĩpũ Moisére doreri pídea merã ããrĩnerã ããrĩbú. Jesucristo boamakũ, ãgũ merã boanerã irirosũ ããrĩsĩa, daporare iri doreri pídea merã ããrĩbea. Jesucristo boa, masãrĩ merã Marĩpũ marĩrẽ ãgũyarã ããrĩmakũ iridi ããrĩmĩ, ãgũ gããmerĩrẽ iriburo, ãrĩgũ. ⁵ Iripoeguere marĩ ñerĩrẽ ãaribejari direta iriunanerã ããrĩbú. Marĩpũ

Moisére doreri pídeare masídero p̄uᵐ, iri dorerire tarin̄gã, ããrĩpereri marĩya dup̄ama merã ñerĩrẽ ɯaribejanemonerã ããrĩb̄ú. Irasirirã perebiri peamegue waamurã dita ããrĩnerã ããrĩb̄ú. ⁶ Daporare pama marĩ Cristo merã boanerã irirosũ ããrĩsĩã, Marĩp̄u Moisére doreri pídea merã ããrĩbea. Irire tariwerenerãgue ããrã. Irasiriḡu Marĩp̄u, Ōãgũ deyomarĩgũ merã marĩrẽ maama okarire opamakũ yámi, Īgũ gããmerĩrẽ iridoreḡu.

Marĩrẽ ñerĩ irimakã iriri marĩguere ããrĩrĩmarẽ weredea

⁷ Irasirirã, Marĩp̄u Moisére doreri pídeare: “Ñegoráa”, ¿ãrĩrãkuri? Neõ irasũ ãrĩbirikõãrã! Irita yu ñerĩ iririkurire masĩmakũ iribu. Iri doreri pídea ãsũ ãrã. “Gajerãyare buro ɯaribejabirikõãka!” Irasiriḡu, iri doreri marĩmakũ, yu gajerãyare ɯaribejarire masĩbiribokuyo. ⁸ Iri doreri: “Ãsũ iribirikõãka!” ãrĩdeare masídero p̄uᵐ, iri yure ããrĩpereri ñerĩrẽ ɯaribejamakũ iribu. Iri doreri marĩmakũ: “Irire tarin̄gãgũ irikoa”, ãrĩmasĩbiribokuyo. ⁹ Yu iri dorerire masĩburi dupuyuro: “Yᵐ, Marĩp̄u merã õãrõ ããrĩkõãgũ irikoa”, ãrĩ gũñadibu. Iri dorerire masídero p̄uᵐ, irire tarin̄gãgũ: “Ñerõ iriḡu irikoa, Marĩp̄u merã õãrõ ããrĩbirikoa”, ãrĩ masĩbu pama. ¹⁰ Marĩ iri dorerire irirã, Marĩp̄u merã õãrõ ããrĩkõãboko. Yu gap̄u irire iripeomasĩbirisĩã, ñerĩ iridea waja, waja opaḡu, perebiri peamegue waabodi dujab̄u. ¹¹ “Marĩp̄u dorerire iriḡu, Īgũ merã õãrõ ããrĩkõãgũ irikoa”, ãrĩ gũñakerepuru, yu ñerĩ ɯaribejari, yure Marĩp̄u dorerire tarin̄gãmakũ iribu. Irasiriḡu iri

dorerire tarinugāsīā, ñerĩ iridea waja, waja opagũ peamegue waabodi dujabũ.

12 Irasũ āārĩkererũ, Marĩpũ Moisére doreri pídea õārĩ āārã. Diayema doreri āārã. Marĩpũ irire pídi āārĩmĩ marĩrẽ iritamubu. 13 Iro tamerãrẽ Marĩpũ doreri õārĩ āārĩkerero, ¿marĩrẽ peamegue waabonerã dujamakũ irikuri? Neõ irasũ āārĩbirikoa. Marĩ ñerĩ iriri gapũ marĩrẽ peamegue waabonerã dujamakũ iribũ. Irasiro Marĩpũ ĩgũ õārĩ doreri pídea merã marĩ ñerõ iririre: “Ñegorã”, ārĩ masĩsũa.

14 Ire masĩa marĩ. Marĩpũ ĩgũ dorerire Õãgũ deyomarĩgũ merã Moisére pídi āārĩmĩ. Irasiro õārĩ dita āārã. Marĩ gapũ marĩ ñerĩrẽ ùaribejari merã ñerĩ iridoregure duasũnerã irirosũ āārã. Irasirirã ñerĩrẽ iririkurã āārã. 15 Õārĩrẽ iridũakererã, iribea. Ñerĩrẽ iridũabirikererã, irinĩkõãa. Marĩ irasiririre pémasĩbea. 16 “Ñerĩrẽ iridũabirikoa”, ārĩkererã, irikõãa. Irasirikererã: “Ñerĩrẽ iridũabirikoa”, ārĩrã, Marĩpũ dorerire: “Õārĩ āārã”, ārĩ masĩa. 17 “Marĩ ñerĩrẽ dupaturi iribea pama”, ārĩkererã, ñerĩrẽ irirã, marĩ basi meta irire yãa. Marĩguere ñerĩ āārĩrĩ gapũ marĩrẽ irire irimakũ yãa. 18 Marĩ ñerĩrẽ ùaribejari merã ñerĩ direta irirã yãa. Irasirirã: “Marĩguere õārĩ máa”, ārĩ masĩa. Marĩ õārĩrẽ iridũakererã, bokatĩũbea. 19 Marĩ õārĩ iridũakererã, iribea. Ñerĩ iridũabirikererã, iri gapũre yãa. 20 Irasirirã marĩ basi: “Ñerĩrẽ dupaturi iribirikoa”, ārĩkererã, irikõãa doja. Marĩguere ñerĩ āārĩrĩ gapũ marĩrẽ irire irimakũ yãa.

21 Irasiro ãsũ waãa marĩrẽ. Õārĩrẽ marĩ

iridɥakererɥu, marĩguere ñerĩ ããrĩrĩ marĩrẽ ñerĩ direta irimakũ yáa. ²² Marĩ basi marĩ gũñarĩgue: “Marĩɥu dorerire iridɥakoa”, ãrĩ gũñáa. ²³ Iri dorerire iridɥakererɥu, marĩ ñerĩ iridɥari gapu marĩ gũñarĩgue òãrĩ iridɥarire tarinugãa. Irasirirã marĩ basi iri ñerĩ iridɥarire tarinugãmasĩbea.

²⁴ Marĩ basi ñerĩ iridɥarire tarinugãmasĩmerã, buro bujawereri merã: “¿Noã marĩrẽ ñerĩ iridea wajare taugukuri, Marĩɥu merã òãrõ ããrĩburo, ãrĩgũ?” ãrĩ gũñáa. ²⁵ Marĩɥu dita Jesucristo marĩ Opu merã marĩrẽ taumasĩmi. Irasirirã Marĩɥu: “Õãtaria mu”, ãrĩ, usuyari sĩa. Irasirirã marĩ gũñarĩgue: “Marĩɥu dorerire iridɥakoa”, ãrĩ gũñáa. “Gua Opu ããrã mu”, ãrã ĩgũrẽ. Marĩ irasũ ãrĩkererɥu, marĩ ñerĩrẽ ɥaribejari, marĩrẽ ñerĩrẽ iridoregu irirosũ ããrĩkõãa dapa.

8

Õãgũ deyomarĩgũ iritamurĩ merã òãrõ ããrĩrĩmarẽ gojadea

¹ Dapora Marĩɥu marĩrẽ Jesucristoyarãrẽ ñerĩrẽ ɥaribejarire piri, Õãgũ deyomarĩgũ dorerosũ irirãrẽ: “Wajamoãgɥra”, ãrĩrĩno neõ máa. ² Õãgũ deyomarĩgũ, marĩ Jesucristoyarã ĩgũ dorerosũ irimakũ, marĩ ñerĩ iririkurire pirimakũ yámi. Irasirigu marĩrẽ, perebiri peamegue waabonerãrẽ Marĩɥu merã òãrõ ããrĩmakũ yámi. ³ Marĩ ñerĩ iriri direta ɥaribejasĩa, Marĩɥu Moisére doreri pídeare neõ iripeomasĩbirinerã ããrĩbũ. Irasirigu Marĩɥu gapu ĩgũ magũrẽ iriudi ããrĩmĩ, marĩ ñerĩ iridea wajare boa, wajaribosadoregu. ĩgũ ñerĩrẽ iribirikeregu, marĩ ñerĩ iridea waja, waja

oparã irirosũ dupukũgũ, marĩrẽ boabosadi ããrĩmĩ, marĩ ñerĩ iridea waja oparire wajarigũ. ⁴ Marĩpũ, marĩrẽ ãgũ dorerire iriburo, ãrĩgũ, irasiridi ããrĩmĩ. Irasirirã marĩ ñerĩ iririre Ɂaribejabea. Õãgũ deyomarĩgũ dorerosũ irirã yáa.

⁵ Ñerĩ iririre Ɂaribejarã, iri direta gũña, iridũama. Õãgũ deyomarĩgũ dorerosũ irirã gapũ, ãgũ gããmerĩ direta gũña, iridũama. ⁶ Ñerĩ direta gũña, iridũarã, perebiri peamegue waarãkuma. Õãgũ deyomarĩgũ gããmerĩ direta gũña, iridũarã gapũ Marĩpũ merã perebiri okari oparãkuma. Irasirirã siuñajãrĩ merã ããrĩrãkuma. ⁷ Ñerĩ direta gũña, iridũarã, Marĩpũre ãaturirã ããrĩma. ãgũ dorerire iridũabiri, irire neõ irimasĩbema. ⁸ Irasirirã ñerĩ iriri direta Ɂaribejarã, Marĩpũre ɁɁyamakũ irimasĩbema.

⁹ Musã gapũ ñerĩ iriri direta Ɂaribejabea. Õãgũ deyomarĩgũ musãguere ããrĩmi. Irasirirã ãgũ turari merã ãgũ dorerosũ yáa. Õãgũ deyomarĩgũrẽ opamerã gapũ, Cristoyarã ããrĩbema. ¹⁰ Marĩ ñerõ iridea waja marĩya dupũ boaburi dupũ ããrĩkerepũ, Cristo marĩguere ããrĩmakũ, Marĩpũ marĩrẽ: “Õãrã, waja opamerã ããrĩma”, ãrĩ ããmi. Irasiriro marĩya dupũ boakerepũ, marĩya yũpũrã Ɂmũgasigue okanĩkõãrokoa. ¹¹ Marĩpũ, Õãgũ deyomarĩgũ merã Jesucristore boadiguere masũ, dupaturi okamakũ iridi ããrĩmĩ. Õãgũ deyomarĩgũ marĩguere ããrĩmakũ, Marĩpũ Jesucristore masũdita marĩya dupũ boadero pũ, marĩdere masũ, maama okari opamakũ irigũkumi.

¹² Yaarã: “Marĩpũ marĩrẽ irasũta irigũkumi”, ãrĩ

masĩrã, ñerĩ iririre ɯaribejabirikõãrã! ¹³ Ñerĩ iriri direta ɯaribejarã, perebiri peamegue waarãkoa. Õãgũ deyomarĩgũ turari merã marĩ ñerĩrẽ ɯaribejarire pirirã, Marĩpɯ merã perebiri okarire oparãkoa.

¹⁴ Õãgũ deyomarĩgũ dorerosũ irirãno, Marĩpɯ pũrã ããĩma. ¹⁵ Marĩpɯ marĩrẽ Õãgũ deyomarĩgũrẽ iriudi ããĩmĩ. Ĩgũ marĩrẽ Marĩpɯ pũrã ããĩmakũ yámi. Ĩgũ merã Marĩpɯ marĩrẽ wajamoãburire güiderosũ dupaturi güibea. Irasirirã Ĩgũ iritamurĩ merã güiro marĩrõ Marĩpɯre: “Yɯpɯ”, ãrĩ masĩa.

¹⁶ Õãgũ deyomarĩgũ marĩ gũñarĩgue marĩrẽ: “Diayeta Marĩpɯ pũrã ããrã”, ãrĩ masĩmakũ yámi.

¹⁷ Irasirirã marĩ Ĩgũ pũrã ããĩsĩã: “Ããĩpererire yɯ pũrãrẽ sĩgɯra”, ãrĩdeare Cristo merã irire oparãkoa. Marĩ Cristoyarã ããĩsĩã, Ĩgũ i ãmɯgue ñerõ tariderosũ marĩde ñerõ tarikererã, pɯɯgue ãmɯgasigue Ĩgũ ããĩrõsũta Ĩgũ merã õãrõ ããĩrãkoa.

¹⁸ Dapora marĩ i ãmɯgue ñerõ tarikererã, pɯɯgue ãmɯgasigue Marĩpɯ marĩrẽ õãrĩ sĩburire gũñarã: “Bɯro ñerõ taribea”, ãrĩ masĩa. ¹⁹ Sunɯ Marĩpɯ marĩrẽ: “Ĩsã yɯ pũrã ããĩma”, ãrĩ, õãrĩrẽ sĩgɯkumi. Ĩgũ marĩrẽ sĩburire ããĩpereri Ĩgũ i ãmɯma iridea, masaka gajinorẽ bɯro ããdɯarã irirosũ yúro yáa.

²⁰ Iripoegue Adán ñerĩrẽ iripɯroridea waja i ãmɯma poyakõãdero ããĩbú. Iri gããmerõ poyabiridero ããĩbú. Marĩpɯ dorederosũ poyadero ããĩbú. Irasirikeregɯ, pɯɯgue õãrĩ gorawayugɯkumi. ²¹ Irasirigu Marĩpɯ, i ãmɯma boapereburi ããĩkerepɯɯ, marĩrẽ Ĩgũ pũrãrẽ

õãrã gorawayurosũ, i ãmãma ããrĩpererire õãrĩ dita gorawayugukumi doja. ²² Ire marĩ masĩa. Adán ñerĩrẽ iripũroridero pũru, daporaguedere ããrĩpereri i ãmãma Marĩpu iridea, nomeõ majĩgũ nijĩwãgũgõ pũrĩsũrõsũ ããrã. ²³ I ãgũ iridea irirosũta marĩde poyari merã ããrã. Marĩ ãgũyarã ããrĩnũgãmakũ, Õãgũ deyomarĩgũrẽ marĩrẽ sĩdi ããrĩmĩ. Daporare bũro ñerõ tarikererã, pũrugue ãgũ marĩrẽ: “Yũ pũrã ããrĩma”, ãrĩ, boabiri dupũre maama dupũre sĩburire usũyari merã yúa. ²⁴ “Marĩpu marĩrẽ: ‘Taugũra’, ãrĩderosũta taugũkumi”, ãrĩ yúmasĩa. ãgũ marĩrẽ taudero pũru, marĩ irire yúderosũ neõ yúnemobirikoa. ²⁵ Marĩ gajinorẽ ããbirikererã gũñaturari merã: “ĩãrãkoa”, ãrĩ yúrosũ, Marĩpu pũrugue ãgũ marĩrẽ tauburire gũñaturari merã yúro gããmea.

²⁶ Marĩ Marĩpũre: “¿Naásũ sãrẽrõ gããmerĩ?” ãrĩ masĩbirimakũ, Õãgũ deyomarĩgũ marĩrẽ iritamumi. Irasirigu, marĩ Marĩpũre keoro sãrẽmasĩbirimakũ, Õãgũ deyomarĩgũ marĩya ããrĩburire Marĩpũre õãrõ sãrẽbosami. Masaka werenĩrõsũ sãrẽbemi. Marĩrẽ bũro bopoñarĩ merã, õãrõ masĩrĩ merã sãrẽbosami. ²⁷ Marĩpu gããmerõsũta Õãgũ deyomarĩgũ marĩ ãgũyarã ããrĩburire sãrẽbosami. Irasirigu Marĩpu, ããrĩpereri marĩ gũñarĩrẽ masĩpeogu, Õãgũ deyomarĩgũ marĩrẽ sãrẽbosaridere õãrõ masĩmi.

Jesucristo turari merã ñerĩrẽ tarinũgãmasĩa, ãrĩ gojadea

²⁸ Idere marĩ masĩa. Marĩpu ãgũ gããmederosũta marĩrẽ beyedi ããrĩmĩ. Irasirigu ããrĩpereri marĩrẽ ãgũrẽ maĩrãrẽ waaburire ãmumi õãrĩ direta

iribu. ²⁹ Neōgoragueta Marīpɥ marīrē īgūyarā āārīmurārē masīsiadi āārīmí. Marī neō deyoaburo dupuyurogueta beyesiadi āārīmí, marīrē īgū magū irirosū āārīburo, ārīgū. Irasirigɥ īgū magū marī tīgū āārīmi. Marī īgū pagupūrā wārā āārā. ³⁰ Neōgoragueta Marīpɥ īgūyarā āārīmurārē: “Yɥ pūrā āārīma”, ārī beyesiadi āārīmí. Irasirigɥ marīrē īgū beyenerārē Jesúre bɥremunɥgādoɥeɥ siiu: “Ōārā, waja opamerā āārīma”, ārī īāmi. īgū marīrē irasū ārī īārārē ɥmɥgasigue īgū āārīrōsūta īgū merā ōārō āārīmakū irigɥkumi.

³¹ Marī irire masīrā, ɥnaásū ārīrī? Āsū ārā. Marīpɥ marīrē iritamumakū, gajerā marīrē īāturikererā, neō poyanorēmasībema. ³² Marīpɥ marī ñerī iridea waja boabosabure īgū magū Jesucristore iriudi āārīmí. “Yɥ magūrē maīsīā, iriubea”, ārībiridi āārīmí. Irasirigɥ īgū magūrē iriudi āārīsīā, āārīpereri marīya āārīburire ōārī direta sigɥkumi. ³³ Marīpɥ marīrē īgū beyenerārē: “Ōārā, waja opamerā āārīma”, ārī īāmakū, gajerā marīrē: “Ñerā āārīma”, neō ārī weresāmasībema.

³⁴ Cristo marī ñerī iridea wajare boabosa, masā, ɥmɥgasigue mɥrīadi āārīmí. Irasirigɥ Marīpɥ diaye gapɥ doami. Marīya āārīburire sērēbosaníkōāmi. Irasirirā gajerā Marīpɥre marīrē: “Īsā ñerī iridea waja īgūsārē wajamoāka!” neō ārīmasībema. ³⁵ Cristo marīrē bɥro maīmākū, gajerā īgūrē: “Neō maīnemobirikōāka īgūsārē!” ārīmasībirikuma. Marī ñerō tarikerepɥɥ, marī diasaro péñakerepɥɥ, gajerā marīrē ñerō irikerepɥɥ, marī ɥaboakerepɥɥ, surí marīrā āārīkerepɥɥ, goero marīrē āārīkerepɥɥ, gajerā

marĩrẽ wẽjẽkerekerepũ, Cristo marĩrẽ maĩgũ marĩ merã ããrĩnĩkõãmi. Īgũ marĩrẽ maĩrĩrẽ neõ piribirikumi. ³⁶ Marĩpũya werenĩrĩ gojadea pũgue marĩ waaburire ãsũ ãrĩ gojasũdero ããrĩbũ:

Gũa mũyarã ããrĩrĩ waja gajerã gũare ãmũrikũ wẽjẽdũanĩkõãma. Ovejare wẽjẽmurã wẽjẽrõgue ãĩãrã irirosũ gũare yãma, ãrĩ gojasũdero ããrĩbũ.✧

³⁷ Marĩ gapũ ñerõ tarikererã, Cristo marĩrẽ maĩgũ iritamurĩ merã, marĩ ããrĩpereri ñerĩrẽ tarinũgãa. Irasirirã ĩgũ merãta gũñaturanemoa.

³⁸ Irasirigũ ire õãrõ masĩa. Marĩpũ marĩrẽ bũro maĩmi. Marĩ Opũre Jesucristore iriugũ, ĩgũ marĩrẽ maĩrĩrẽ masĩmakũ iridi ããrĩmĩ. Marĩ boamakũ, o marĩ yoaripoe okamakũ, marĩrẽ maĩgũ marĩ merã ããrĩnĩkõãmi. Marĩpũre wereboerã, masaka oparã, wãtẽa oparãde Marĩpũre marĩrẽ maĩrĩrẽ pirimakũ irimasĩbema. Marĩrẽ gajino irimakũ, Marĩpũ marĩrẽ maĩgũ marĩ merã ããrĩmi. Daporama ããrĩrĩ, pũrũma ããrĩburide Marĩpũre marĩrẽ maĩrĩrẽ pirimakũ irimasĩbirikoa. ³⁹ Marĩ ãmarõgue waamakũ, o ãkũãrõgue waamakũ, marĩrẽ maĩgũ marĩ merã ããrĩmi. Gajinode Marĩpũ iridea ããrã. Irasiriro iride ĩgũrẽ marĩrẽ maĩrĩrẽ pirimakũ irimasĩbea. Marĩrẽ marĩ Opũ Jesucristoyarãrẽ ĩgũ marĩrẽ neõ perebirikoa.

9

Israel bumarã Marĩpũ beyenerã ããrĩma, ãrĩ gojadea

✧ 8:36 Sal 44.22

1 Y_u, Cristore b_uremug_u ããrĩg_u, diayeta werea m_usãr_e. ãrĩgatobea. Õãg_u deyomarĩg_ude y_u merã ããrĩg_u, y_u ãrĩrĩr_e: “Diayeta ããrã”, ãrĩ masĩmak_u yãmi. 2 Yaarã Israel bumarã Cristore b_uremubirimak_u ããg_u, b_uro b_ujawereri merã g_uñarik_ua. 3 Ìg_usã ãg_ur_e b_uremumak_u gããmeg_u, y_u gap_u gorawayud_uadãa: “Perebiri peamegue wajamoãs_ubokuma”, ãrĩg_u. Y_u ãg_usãr_e irasiribosag_u Cristore dukawarin_ugãjag_u, ãg_ur_e neõ dupaturi ãñemobiribokoa. 4 Ìg_usã, Israel parãmerã ããrĩturiarã ããrĩma. Marĩp_u ãg_usãr_e: “Y_u p_urã ããrã”, ãrĩdi ããrĩmĩ. Ìg_u gosewasiriri merã ãg_usã watope ããrĩdi ããrĩmĩ. Ìg_usãr_e: “Y_u, m_usã Op_u ããrã. M_usã, yaarã ããrã”, ãrĩdi ããrĩmĩ. Ìg_usãr_e ãg_u dorerire masĩburo, ãrĩg_u, Moisére irire pídi ããrĩmĩ. “Yaa wiigue y_ure b_uremurã, ãs_u irika!” ãrĩ pídi ããrĩmĩ. “M_usã parãmerã ããrĩturiarãr_e ããr_o iritamug_ura”, ãrĩdi ããrĩmĩ. 5 Israel p_urã pe mojõma pere su gubu peru p_er_ebejarãgora, g_ua ñek_usãmarã ããrĩnerã ããrĩmã. Cristode marĩ iriros_u dupakug_u deyoag_u ãg_usã parãmi ããrĩturiag_u, Israel bumata ããrĩdi ããrĩmĩ. Ìg_u ããrĩpererã, ããrĩpereri Op_u ããrĩmĩ. Irasirirã ãg_ur_e: “Õãtaria m_u”, ãrĩ, usuyari s_unĩrã! Iras_uta irirã!

6 Israel bumarã ããrĩpererã diayeta Marĩp_uyarãgora ããrĩbema. Irasirig_u Marĩp_u Israel bumarãr_e: “Yaarãr_e ãs_u irig_ura”, ãrĩdeare ãg_usãr_e ããrĩpererãr_e iribirimak_u ããg_u: “Marĩp_u ãg_u ãrĩderos_uta iribemi”, ãrĩ g_uñabea y_u. 7 Israel bumarã, ãg_usã ñek_u Abraham parãmerã ããrĩturiarã ããrĩkerep_uru, Marĩp_u ãg_usãr_e ããrĩpererãr_e: “Diayeta y_u p_urã ããrĩma”, ãrĩ ããbemi. Irasirig_u Abrahãr_e:

“Mu magū Isaac parāmerā āārīturiarā dita diayeta mu parāmerā āārīturiarā āārīrākuma”, ārīdi āārīmí. 8-9 Marīpu Abrahārē ĩgū magū Isaac deyoaburire weregū, āsū ārīdi āārīmí: “Gaji bojori ipapoeta aarigura doja. Iripoeta mu marāpo Sara majīgūrē pūrākugokumo”, ārīdi āārīmí. Irasirigū Marīpu ārīderosūta Abraham magū deyoadi āārīmí. Irasirirā marī ire masīa. Abraham parāmerā deyoaturiawāgārā āārīpererā Marīpu pūrā āārībema. Marīpu ārīdeare bñremurā dita diayeta Abraham parāmerā āārīturiarā, Marīpu pūrā āārīma.

10 Gaji āsū āārā. Isaac, Rebeca merā marāpokūdero purū, igo ūma pērāgue pūrākūdeo āārīmó. ĩgūsā pagū Isaac, gua ñekū āārīdi āārīmí. 11-13 ĩgū pūrā deyoaburi dupuyuro, ĩgūsā oārīrē, o ñerīrē iriburi dupuyuro Marīpu ĩgūsā pago āārībore āsū ārīdi āārīmí: “ĩgū tīgū ĩgū pagumūrē moāboegukumi”, ārīdi āārīmí. ĩgū igore irire ārīderosūta ĩgūya werenírī gojadea pūgue āsū ārī gojasūdero āārībú: “Jacore beyebu. Esáu gapure beyebiribu”, ārī gojasūdero āārībú. Irasirigū Marīpu Jacore beyederosūta ĩgūyarā āārīmurārē beyegu, ĩgūsā gajino iriburi dupuyuro ĩgū gāāmederosūta ĩgūsārē: “Yaarā āārīma”, ārīdi āārīmí.

14 Irire pérā, ¿naāsū gapū ārīrākuri marī? “Sugū gajino iriburi dupuyuro Marīpu ĩgūrē beyegu, diaye iribemi”, ¿ārīrākuri? Irasū ārībirikōārā! Marīpu diayeta irigū āārīmí. 15 Iripoegue Marīpu Moisédere āsū ārīdi āārīmí: “Yū bopoñarī merā ĩādñarārē bopoñarī merā ĩāgura. Yū maírī merā

ĩaduarārē maĩgura”, ārĩdi āārĩmĩ. ¹⁶ Irasirirā ire masĩa. Marĩpũ, ĩgũ bopoñaduarārē bopoñarĩ merā ĩāmi. Masaka ĩgūrē bopoñadoremakũ meta, ĩgũsā òārō irimakũ meta ĩgũsārē bopoñarĩ merā ĩāmi. ¹⁷ Marĩpũ ĩgũya werenĩrĩ gojadea pũgue āsũ ārĩdi āārĩmĩ Egipto marā opũre, faraðrē: “Yũ gāāmeròsũta mũrē Egipto marā opũ āārĩbure pĩbũ, mũ merā yũ turarire āārĩpererārē ĩmubu. Āārĩperero marārē, yũ turagũ āārĩrĩrē masĩdoregũ, irasiribũ”, ārĩdi āārĩmĩ. ¹⁸ Irasirigũ ĩgũ bopoñaduarārē bopoñarĩ merā ĩāmi. ĩgũ dorerire pėdũamerārē nemorō pėdũabirimakũ yāmi.

¹⁹ Yũ irasũ ārĩrĩrē pérā, mũsā āsũ ārĩboko: “Marĩpũ ĩgũ basita masakare ĩgũ dorerire pėdũabirimakũ irikeregũ, ¿nasirigũ ĩgũsārē wajamoāgakuri? ¿Nasirisĩā, ĩgũ gāāmerō irasiririre kāmutasĩbokuri marĩ?” ārĩ pũrĩwisi sērēñaboko. ²⁰ Irire irasũ ārĩbirikōāka! Marĩ masaka ubu āārĩrā, Marĩpũ irinerā āārā. Irasirirā ĩgūrē: “¿Nasirigũ yũre irasũ yāri mũ?” ārĩ pũrĩwisi sērēñamasĩbea. Diiarisoro irisoro weagore: “¿Nasirigo yũre irasũ yāri mũ?” ārĩberosũta marĩde Marĩpũre irasũ ārĩmasĩbea. ²¹ Sorori weago diiari merā igo iridũaro irikumũ. Irasirigo òārĩ soro iridũago, òārĩ soro irikumũ. Iri diiari merāta ubu āārĩrĩ sorodere iridũago, ubu āārĩrĩ soro irikumũ. Igo diiari merā irirosũta Marĩpũde masakare ĩgũ iridũarosũta yāmi.

²² Marĩpũ peamegue ĩgũ bėomurārē, ĩgũsārē ĩgũ turari merā bũro wajamoāburire masĩdoregũ, ĩgũsā ñerō iririre gũñatura, mumurō marĩrō ĩgũsārē wajamoābemi. ²³ Marĩ ĩgũ bopoñarĩ merā ĩārā

gapure ĩgũ õatarigũ ããrĩrĩrẽ masĩburo, ãrĩgũ, ĩgũsãrẽ irasirigũ yámi. Neõgoragueta marĩrẽ ãmũgasigue ĩgũ ããrĩrõsũta ĩgũ merã õãrõ ããrĩmurãrẽ beyedi ããrĩmĩ. ²⁴ Marĩrẽ beyegũ, surãyeri judío masaka watopegue ããrĩrãrẽ, gajerã judío masaka ããrĩmerã watopegue ããrĩrãdere beyedi ããrĩmĩ, ĩgũyarã ããrĩburo, ãrĩgũ. ²⁵ Marĩpũya werenĩrĩ gojadea pũgue ĩgũya kerere weredupuyudi Oseas, judío masaka ããrĩmerãyamarẽ ãsũ ãrĩ gojadi ããrĩmĩ:

Marĩpũ ãsũ ãrĩmĩ: “Yaarã ããrĩbirinerãrẽ: ‘Yaarã ããrĩma’, ãrĩgũkoa. Yũ maĩbirinerãrẽ: ‘Yũ maĩrã ããrĩma’, ãrĩgũkoa”, ãrĩmĩ.

²⁶ Marĩpũ: “Mũsã, yaarã meta ããrã”, ãrĩdea nĩkũ marãrẽ: “Yũ okanĩgũ pũrãta ããrã”, ãrĩsũrãkuma, ãrĩ gojadi ããrĩmĩ.✧

²⁷⁻²⁸ Isaías, Israel bumarã gapure ãsũ ãrĩ gojadi ããrĩmĩ: “Marĩ Opũ ĩgũ ãrĩderosũta i ãmũ marãrẽ mumurõ merã diayeta wajamoãgũkumi. Irasirirã Israel bumarã wãdiyama ĩmipayeri irirosũ wãrã ããrĩkererã, mérãgã tausũrãkuma”, ãrĩ gojadi ããrĩmĩ.

²⁹ ĩgũta idere ãrĩ gojadi ããrĩmĩ doja:

Marĩ Opũ ããrĩpererã nemorõ turagũ, marĩ ñekũsãmarã ããrĩturiarãrẽ mérãgãrẽ taubirimakũ, marĩ judío masaka ããrĩpererã béosũbonerã ããrĩbũ. Sodoma marãrẽ, Gomorra marãrẽ béoderosũta marĩdere béobodi ããrĩmĩ, ãrĩ gojadi ããrĩmĩ.✧

*Judío masaka Jesucristoya kerere
bũremubirideia*

³⁰ Irire pérã, ¿naásũ ãrĩrãkuri? Æsũ ããrã. Judío masaka ããrĩmerã Marĩpũ merã ĩgũsã

õārõ ãārĩburire ãmabirikererã, ĩgũsã Jesucristore bũremurĩ merã irire bokama. Irasirigũ Marĩpũ ĩgũsãrẽ: “Õãrã ããrĩma”, ãrĩ ĩãmi. ³¹ Judío masaka gapũ: “Marĩpũ Moisére doreri pídeare marĩ irimakũ, marĩrẽ: ‘Õãrã, waja opamerã ããrĩma’, ãrĩ ĩãgũkumi”, ãrĩ gũñadima. Irasũ ãrĩ gũñakererã, iri dorerire iripeomasĩbirisĩã, Marĩpũ merã õārõ ããrĩbema. ³² ¿Nasirirã Marĩpũ merã õārõ ããrĩberi? Jesucristore bũremurõ marĩrõ ĩgũsã basi Marĩpũ Moisére doreri pídeare iridea merã gapũ, Marĩpũ merã õārõ ããrĩdũadima. Irasirirã Cristore Marĩpũ iriudire bũremumerã, Marĩpũ pũroge neõ waabirikuma. ĩgũsã ãtãye, maa deko píadeayegue gubu tũameémejãnerã irirosũ ããrĩrãkuma. ³³ Marĩpũya werenĩrĩ gojadea pũgue Marĩpũ ĩgũ magũrẽ iriburire ãsũ ãrĩ gojasũdero ããrĩbũ:

Sugũ yũ iriubure ãtãye irirosũ ããrĩgũrẽ Jerusalégue pígũra. ĩgũrẽ bũremumerã, iri yegue gubu tũameémejãrã irirosũ ããrĩrãkuma. Irasirirã yũ pũroge neõ ejabirikuma. ĩgũrẽ bũremurã gapũ: “Ĩgũrẽ ubugorata bũremukubũ”, ãrĩbirikuma. Yũ pũro ejarãkuma, ãrĩ gojasũdero ããrĩbũ.*

10

¹ Yaarã, yũ Israel bumarãrẽ Marĩpũ ĩgũ tauburire bũro gããmea. Irasirigũ ĩgũrẽ ĩgũsãya ããrĩburire bũro sãrẽbosãa. ² Diayeta ĩgũsã Marĩpũ gããmerĩrẽ bũro iridũakererã, ĩgũ gããmerĩrẽ õārõ pẽmasĩbema. ³ Marĩpũ marĩrẽ Jesucristore bũremurĩ merã:

* 9:33 Is 28.16

“Ōārā āārīma”, ārī īārīrē masībema. Irasirirā īgūsā basi ōārīrē iridḡakererā, Marīpḡ Jesucristore bḡremudoregḡ iriudire bḡremubema. Irasirigḡ Marīpḡ īgūsārē: “Ōārā āārīma”, ārī īābemi. ⁴ Cristo āārīpereri Marīpḡ Moisére doreri pīdeare iripeodi āārīmí. Irasirigḡ Marīpḡ āārīpererā Cristore bḡremurānorē: “Ōārā, waja opamerā āārīma”, ārī īāmi.

⁵ Moisés āsū ārī gojadi āārīmí: “Marī, Marīpḡ dorerire āārīpereri iripeomakḡ, Marīpḡ marīrē: ‘Ōārā, waja opamerā āārīma, yḡ merā ōārō āārīrākuma’, ārī īāgḡkumi”, ārī gojadi āārīmí. ⁶ Marīpḡ marīrē: “Ōārā, waja opamerā āārīma”, ārī īārī gapḡ āsū āārā. Marī Cristore bḡremumakḡ, Marīpḡ marīrē: “Ōārā āārīma”, ārī īāgḡkumi. Irasirirā āsū ārī gūñabirikōāka: “¿Noā Cristore ūmḡgasigue āārīgūrē āīdijugḡkuri marīrē taudoregḡ?” ārī gūñabirikōāka! Cristo ī ūmḡguere marīrē taugḡ ejasiadi āārīmí. ⁷ Irasirirā doja: “¿Noā, boanerā āārīrōgue ūkḡārī gobegue dijagḡkuri Cristore siiu mḡrīribu?” ārī gūñabirikōāka! Marī basi irire irimasīña máa. Īgḡ boa, masā, mḡrīasiadi āārīmí. ⁸ Marīpḡya werenírī gojadea pḡgue āsū ārī gojasūdero āārībú: “Marīpḡya kerere mḡsā pésiáa. Irire mḡsāya disi merā werenía. Mḡsāya gūñarīgue: ‘Diayeta āārā iri’, ārī gūñáa”, ārī gojasūdero āārībú. Irire, marīrē Jesucristo tauri kerere diayeta bḡremua. Irasirirā masakare irireta werea. ⁹ Irasirirā marīya disi merā: “Jesús, yḡ Opḡ āārīmí”, ārī werenímakḡ, marīya gūñarīgue: “Īgḡ boadero pḡrḡ, Marīpḡ īgūrē masūdi āārīmí”, ārī bḡremumakḡ, Marīpḡ marīrē

perebiri peamegue waabonerārē taugukumi, ĩgũ merā ōārō āārĩnikõāburo, ārĩgũ. ¹⁰ Marĩpũ, marĩ Jesucristore buremumakũ, marĩrē: “Ōārā, waja opamerā āārĩma”, ārĩ ĩāmi. Marĩ gajerārē: “Jesucristo yure taugũ āārĩmi, ĩgũrē buremua”, ārĩ weremakũ, marĩrē peamegue waabonerārē ĩgũ taumurā āārĩmakũ yāmi.

¹¹ Marĩpũya werenĩrĩ gojadea pũgue: “Neō sugũ ĩgũrē buremugũ: ‘Ĭgũrē ubugorata buremukubũ’, ārĩbirikumi”, ārĩ gojasũdero āārĩbũ. ¹² Marĩpũ, āārĩpererā Opũ āārĩmi. Irasirigu judío masakare, judío masaka āārĩmerādere sũrosũta ĩāmi. Irasirigu āārĩpererārē ĩgũrē buremurĩ merā sērērārē ōārĩrē wārĩ sĩgukumi. ¹³ Marĩpũya werenĩrĩ gojadea pũgue āsũ ārĩ gojasũdero āārĩbũ: “ ‘Yũ Opũ, yũ ñerō irideare yure kātika!’ ārĩ sērērāno tausũrākuma. Peamegue wajamoāsũbirikuma”, ārĩ gojasũdero āārĩbũ. ¹⁴ Irasũ āārĩkerepũrũ, marĩ Opũre: “Diayeta marĩrē taugũ āārĩmi”, ārĩ buremumerā, ĩgũrē sērēmasĩbema. Ĭgũya tauri kerere pémerā, ĩgũrē buremumasĩbema. Ĭgũya kerere ĩgũsārē weregu marĩmakũ, irire masĩbirikuma. ¹⁵ Marĩpũ ĩgũya kerere weremurārē iriubirimakũ, irire wererā waabirikuma. Ĭgũya werenĩrĩ gojadea pũgue āsũ ārĩ gojasũdero āārĩbũ: “Marĩpũya ōārĩ kerere, ĩgũ merā ōārō siuñajārĩ opari kerere wererā ejamakũ ĩārā, marĩ bure usuyāa”, ārĩ gojasũdero āārĩbũ.

¹⁶ Iri Marĩpũ masakare tauri kere āārĩkerepũrũ, wārā péduabema. Isaías āsũta ārĩ gojadi āārĩmĩ: “Gua Opũ, ĩgũsā gua wererire péduabema”, ārĩ gojadi āārĩmĩ. ¹⁷ Irasirirā Cristoya kerere weremakũ péduripírā, ĩgũrē buremurākuma.

18 Irasirigũ ire sērēñaduakoa musārē. ¿Israel bumarã iri kerere pébiryuri? Pénerã ããrĩmá. Marĩpũya werenĩrĩ gojadea pũguedere irasũta ãrĩ gojasũdero ããrĩbú:

Marĩpũyare wererimasã ããrĩpererogue marārē ãgũya kerere wererã waama. Irasiro ãgũsã wereni i ãmũ ããrĩpererogue seyakõaa, ãrĩ gojasũdero ããrĩbú.✧

19 Dupaturi musārē sērēñaduakoa doja. ¿Israel bumarã pékererã, õãrõ pémasĩbiryuri? Pémasĩnerã ããrãdima. Yũ irire werenemogũ, Moisés ãrĩdeare wererũrorigũra. Æsũ ãrĩ gojadi ããrĩmĩ:

Marĩpũ Israel bumarārē ãsũ ãrĩmi: “Ubu ããrĩrãrē, yaare pémasĩmerārē yaarã ããrĩmakũ irigũra. Yũ irasirimakũ ããrã, musã gapũ ãgũsãrē ãaturirãkoa. Irasirigũ musārē ãgũsã merã guamakũ irigũkoa”, ãrĩmi, ãrĩ gojadi ããrĩmĩ Moisés.✧

20 Pũrũ Isaiade: “Irasũ ãrĩbokoa”, ãrĩ, gũiri marĩrõ ãsũ ããrĩnemopeodi ããrĩmĩ:

Æsũ ãrĩmi Marĩpũ: “Yũre ãmamerã gapũ yũre bokama. Irasirigũ yũre masĩmerārē yũre masĩmakũ iribũ”, ãrĩmi, ãrĩ gojadi ããrĩmĩ Isaiás.✧

Judío masaka ããrĩmerã Marĩpũyarã ããrĩburire wererũ irasũ ãrĩ gojadi ããrĩmĩ. ²¹ Israel bumarã gapũre ãsũ ãrĩ gojadi ããrĩmĩ: “Æsũ ãrĩmi Marĩpũ: ‘Ëmũrikũ yũ merã õãrõ ããrĩduarã aarika!’ ããrĩdibũ ãgũsãrē. ‘Ëgũsã gapũ yũ dorerire tarinũgãrã, yũre péduabirima’, ãrĩmi”, ãrĩ gojadi ããrĩmĩ Isaiás.

✧ 10:18 Sal 19.4 ✧ 10:19 Dt 32.21 ✧ 10:20 Is 65.1

11

Marĩpu Israel bumarãrẽ beyedeamarẽ gojadea

¹ Irasirigu musãrẽ ire sêrẽñagura. ¿Marĩpu Israel bumarãrẽ: “Yaarã ããrĩma”, ãrĩdero puru, ãgũsãrẽ béokõãyuri? Béobiridi ããrĩmí. Yude Israel buma, Abraham parãmi ããrĩturiaguta Benjamĩya buma ããrã. ² Iripoegue Marĩpu Israel bumarãrẽ ãgũyarã ããrĩburo, ãrĩgũ, beyedi ããrĩmí. ãgũ irasũ beyenerãrẽ béobemi. Musã Marĩpuya kerere weredupuyudi Elías ãgũrẽ: “Israel bumarã waja opama”, ãrĩdeare masĩkoa. Irire Marĩpuya werenĩrĩ gojadea pũgue ãsũ ãrĩ gojadi ããrĩmí: ³ “Yu Opu, Israel bumarã muya kerere weredupuyurimasãrẽ wẽjẽkõãma. Murẽ sĩdea soepeorore tuúmeédijukõãma. Irasirigu ãgũsã watope yu suguta murẽ buremua. Yu irasũ ããrĩmakũ ããrã, yudere wẽjẽduama”, ãrĩ gojadi ããrĩmí. ⁴ ãgũ irasũ ããrĩmakũ pẽgu, Marĩpu ãsũ ãrĩ yujũdi ããrĩmí: “Mu, suguta ããrĩbea. Yaarã siete mil ããrĩma. ãgũsãrẽ iritamuba. Irasirirã yure õãrõ buremuma. Baal wãikugu keori weadeare neõ buremubema. Irasirigu murẽ wẽjẽduarãrẽ gũibirikõãka!” ãrĩdi ããrĩmí. ⁵ Elías ããrĩripoe Marĩpu ãgũ beyenerãrẽ iritamuderosũta daporadere Israel bumarã watopere surãyeri ãgũ beyenerãrẽ iritamumi. Irasirirã ãgũrẽ buremuma. ãgũsãrẽ bopoñarĩ merã ããsĩã, beyedi ããrĩmí. ⁶ ãgũsã iririkurire ããgũ meta beyedi ããrĩmí. ãgũsãrẽ bopoñagũ beyedi ããrĩmí. ãgũsã õãrõ iriadero puru ãgũsãrẽ beyegu, bopoñagũ meta iribokumi. ãgũsã õãrĩrẽ iridea waja ããrĩbokuyo.

7 Āsū āārā. Israel bumarā īgūsā iriri merā, Marīp̄m̄ īgūsārē: “Ōārā āārīma”, ārī īāmakū gāāmekererā, īgūsā Marīp̄m̄ merā ōārō āārīburire neō bokabema. Irasirirā Marīp̄m̄yare neō pémasīmerā dujama. Marīp̄m̄ beyenerā gap̄m̄ īgū merā ōārō āārīma. 8 Marīp̄m̄ya werenīrī gojadea pūgue āsū ārī gojasūdero āārībú: “Marīp̄m̄ īgūrē gāāmemerārē īgūyare pémasībirimakū yāmi. Irasirirā diayemarē pékererā, pémasībema. Īgū iririre īākererā, īāmasībema. Daporaguedere irasūta āārīnīkōāma”, ārī gojasūdero āārībú.

9 Davide āsū ārīdi āārīmī Marīp̄m̄yare:

Israel bumarā bosenurī irirā űerō yāma. Irasiriḡm̄, īgūsā űerīrē iriri merā īgūsārē wajamoāsūmurā āārīmakū irika!

10 Īgūsārē pémasīmerā, koye īāmerā irirosū waamakū irika! Ūm̄urik̄m̄ nuk̄urī ūūmarā sūgū pūrīsūrā irirosū űerō tarimakū irika! ārīdi āārīmī David Marīp̄m̄yare.✧

Marīp̄m̄ judío masaka āārīmerārē tauḡkumi, ārī gojadea

11 Gaji m̄sārē sērēñanemogura. ¿Judío masaka Jesucristore b̄remubirimakū, Marīp̄m̄ īgūsārē béopeokōāyuri? Béopeobiridi āārīmī. Īgūsā Cristore irasū b̄remubirimakū, daporare judío masaka āārīmerā gap̄m̄ Marīp̄m̄ taumurā āārīma. Īgūsārē īgūyarā waamakū yāmi, judío masakade īgūsārē īākūī, īgūsāde Cristore b̄remuburo, ārīgū. 12 Judío masaka Cristore b̄remubirisīā, Marīp̄m̄ īgūsārē: “Ym̄ pūrārē ōārī sīgura”, ārīdeare opabema.

✧ 11:10 Sal 69.22-23

Irasirirã judío masaka ããrĩmerã gapu Cristore b̄remurã, irire oparãkuma. P̄ru judío masaka Cristore b̄remumakũ, ããrĩpererãrẽ i ãm̄ marãrẽ nemorõ õãrõ waarokoa.

13 Daporare m̄sãrẽ judío masaka ããrĩmerãrẽ weregura. Jesucristo yure m̄sãrẽ judío masaka ããrĩmerãrẽ ãgũya kerere weredoregu pími. Ire weregu, ubugora irigu meta yáa. 14 ãgũyare weregu, gajipoe irigu surãyeri yaarãrẽ judío masakare m̄sãrẽ ããkũĩmakũ iribokoa, ãgũsãde Jesucristore b̄remuburo, ãrĩgũ. ãgũrẽ b̄remurã, tausũrãkuma ãgũ merã õãrõ ããrĩmurã. 15 Marĩpu judío masakare Cristore b̄remumerãrẽ béomakũ, gajerã gapu ãgũ merã siuñajãrĩ opama. Judío masakade ãgũrẽ b̄remumakũ, õãtarirokoa. ãgũsã boanerãgue masãnerã irirosũ Marĩpu merã perebiri okarire oparãkuma. 16 ãsũ ããrã. Pã iriri merã suru irip̄roridiru Marĩp̄re s̄ĩmakũ, ããrĩpereri iri pã iriri Marĩp̄ya ããrã. Yuku n̄gũrĩ Marĩp̄ya ããrĩmakũ, irigu d̄p̄uride ãgũya ããrã. Gua ñekũ Abraham, irigu n̄gũrĩ irirosũ ããrĩdi ããrĩmĩ. Marĩ Jesucristore b̄remurã Abraham parãmerã ããrĩturiarã ããrã. Irasirigu Marĩpu ãgũrẽ: “Yaagu ããrĩmĩ”, ãrĩ ããderosũta marĩdere: “Yaarã ããrĩma”, ãrĩ ããmĩ.

17 Judío masaka olivogu d̄p̄uri irirosũ ããrĩma. ãgũsã irasũ ããrĩkerep̄ru, su d̄p̄urire ditibéoderosũ Marĩpu surãyeri ãgũsãrẽ béodi ããrĩmĩ. P̄ru iri d̄p̄uri ããrĩderore gajigu olivo makãnũmuma d̄p̄urire puriñeãtuadoregu, wiiri, puũñeãtuorosũ iridi ããrĩmĩ. Irasiriderosũ m̄sãrẽ judío masaka ããrĩmerãrẽ ãgũyarã ñajãmakũ iridi ããrĩmĩ. Irasirirã

musã judío masaka ããrĩbirikererã, ããrĩpereri Marĩpu Abraham parãmerã ããrĩturiarãrẽ õãrĩrẽ sĩgura, ãrĩdeare musãde ñeãnerã ããrĩbú. ¹⁸ Musãrẽ ĩgũ irasirimakũ: “Gua judío masaka nemorõ õãrã ããrã”, ãrĩ gũñabirikõãka! Ire gũñaka! Judío masaka olivogu Marĩpu otedi irirosũ ããrĩma. Musã gapu irigugue ĩgũ ãitúdea dũpuri irirosũ ããrã. Irasirigu judío masaka merã musãrẽ iritamumi. Musã merã meta ĩgũsãrẽ iritamumi.

¹⁹ Musã judío masaka ããrĩmerã gapu ãsũ ãrĩboko: “Surãyeri judío masakare, olivogu dũpuri ditibéoderosũ Marĩpu ĩgũsãrẽ béodi ããrĩmĩ. Irasũ béogu, gaji dũpuri irigugue ĩgũ ãitúderosũ marĩrẽ pídi ããrĩmĩ, ĩgũyarã ããrĩmurãrẽ”, ãrĩboko musã. ²⁰ Irasũta ããrã. ĩgũsã Jesucristore bũremubiridea waja Marĩpu ĩgũsãrẽ béodi ããrĩmĩ. Irasirigu musãdere Cristore bũremubirimakũ, ĩgũyarã ããrĩmakũ iribiribodi ããrĩmĩ. Irasirirã: “Gua judío masaka nemorõ õãrã ããrã”, ãrĩ gũñabirikõãka musã! Irasũ ãrĩmerãta Marĩpũre õãrõ gopeyari merã bũremuka! ²¹ Pũrorima dũpuri irirosũ judío masaka Marĩpũyarã ããrĩpũrorinerã ããrĩmã. Musã gapu ĩgũsã pũgu ĩgũyarã waanerã ããrĩbú. Irasirigu Marĩpu ĩgũyarã ããrĩpũrorinerã ĩgũrẽ bũremubirimakũ, ĩgũsãrẽ béodi ããrĩmĩ. Musã ĩgũrẽ bũremubirimakũ, ĩgũsãrẽ béoderosũta musãdere béogukumi. ²² Marĩpu õãrõ irigu bopoñarĩrẽ, ĩgũ turari merã wajamoãrĩrẽ pémasĩka! ĩgũrẽ bũremumerãrẽ wajamoãgukumi. Irasirikeregu, musã piriro marĩrõ ĩgũrẽ bũremunĩmakũ, musãrẽ õãrõ irigukumi. ĩgũrẽ bũremubirimakũ, ñerĩ dũpuri ĩgũ ditibéoderosũta musãdere béogukumi.

23 Judío masaka ĩgũ b́eosũnerã Jesucristore b́remumakũ, ĩgũsãrẽ yukũ d́p̄urire ditibéodeare dupaturi irigũgueta aĩtúro irirosũ irigũkumi, ĩgũyarã ñajãmakũ irigũ. ĩgũ sugũta ĩgũ turari merã irire irimasĩmi. 24 Mũsã judío masaka aãrĩmerã olivo makãñũmũma d́p̄uri irirosũ aãrã. Judío masaka gapũ ĩgũ beyep̄rorinerã aãrĩmã. Olivogũ Marĩp̄ũ otedi irirosũ aãrĩma. Mũsã irigũgue ĩgũ aĩtúdea d́p̄uri irirosũ aãrã. Irasirigũ Marĩp̄ũ mũsãrẽ ĩgũyarã ñajãmakũ iridi aãrĩmĩ. Mũsãrẽ irasirikeregũ, judío masakare ĩgũ beyep̄rorinerã gapũre mũsã nemorõ ĩgũyarã dupaturi ñajãmakũ irimasĩmi.

Pũrgue Israel bumarãrẽ Marĩp̄ũ taugũkumi, aĩrĩ gojadea

25 Yaarã, masaka iripoegue masĩbirideare, Marĩp̄ũ ĩgũ gũñaderosũta iriburire weregũra mũsãrẽ: “Gũa judío masaka nemorõ masĩpeokõã”, aĩrĩ gũñabirikõãburo, aĩrĩgũ. Wãrã judío masaka Marĩp̄ũyare ṕemasĩturabema dapa. Marĩp̄ũ judío masaka aãrĩmerãrẽ: “B́remurãkuma”, aĩrĩnerãkũta Cristore b́remudero p̄urũ, judío masakade b́remurãkuma. 26 ĩgũsã irasũ b́remumakũ, aãrĩpererã Israel bumarãrẽ Marĩp̄ũ ĩgũsã peamegue waabonerãrẽ taugũkumi. ĩgũya werenĩrĩ gojadea pũgue aũũ aĩrĩ gojasũdero aãrĩbũ: Jerusalẽgue, Siõn wãĩkũri makãgue, judío masakaya makãgue ĩgũsãrẽ taubu aarigũkumi. ĩgũsãrẽ Jacob parãmerã aãrĩturiarãrẽ ĩgũsã ñerĩrẽ béogũkumi.✧

✧ 11:26 Is 59.20

27 Marĩpu ãsũ ãrĩmi: “Ígũsãrẽ ñerĩrẽ béogu, yu ígũsãrẽ ãrĩdeare irigũkoa”, ãrĩ gojasũdero ããrĩbú.*

28 Inũguere wárã judío masaka Jesucristoya kerere péduamerã, Marĩpure iaturirã ããrĩma. Ígũsã irasũ ããrĩmakũ, musã judío masaka ããrĩmerã gapu Cristore buremunugãbu. Irasirigu Marĩpu judío masaka ñekũsãmarã ígũ beyenerã ígũsã ããrĩmakũ, ígũsãrẽ ããrĩturiarãdere maĩmi. 29 “Ígũsãrẽ õãrĩrẽ sĩgura”, ãrĩ gũñadeare gorawayubemi. Ígũ ãrĩderosũta ígũ beyenerãrẽ õãrĩrẽ diayeta sĩgũkumi. 30 Iripoeguere musãde Marĩpu dorerire tarinugãnerã ããrĩbú. Inũguere judío masaka Marĩpu dorerire ígũsã tarinugãmakũ iãgũ, musã gapure bopoñarĩ merã iãmi. 31 Daporare judío masaka ígũ dorerire tarinugãrã ããrĩma. Ígũsã irasũ ããrĩkerepuru, Marĩpu musãrẽ bopoñarĩ merã iãrõsũta, ígũsãdere bopoñarĩ merã iãmi. 32 Æsũ ããrã. Marĩpu ããrĩpererã masakare ígũ dorerire ígũsã tarinugãmakũ, ígũsãrẽ peresu irigũ irirosũ iridi ããrĩmĩ, purugue ígũ ããrĩpererãrẽ bopoñarĩ merã iãrĩrẽ masĩburo, ãrĩgũ.

33 Marĩpu marĩrẽ bopoñatarigu, turatarigu, ããrĩpererire masĩpeogu ããrĩmi. Irasirirã marĩ ígũ gũñarĩrẽ, ígũ iriburire õãrõ pémasĩbea.

34 Æsũ ãrĩ gojasũdero ããrĩbú Marĩpuya werenĩrĩ gojadea pũgue: “Masaka marĩ Opũ gũñarĩrẽ õãrõ pémasĩbema. Irasirirã ígũrẽ: ‘Æsũ irika!’ ãrĩ weremasĩbema.

35 Marĩpure gajino sĩ, puru: ‘Marĩrẽ wajamomi’, neõ ãrĩmasĩbema”, ãrĩ gojasũdero ããrĩbú. 36 Marĩpu ããrĩpererire iridi

* 11:27 Jer 31.33-34

ããrĩmĩ. Īgũ turari merã ããrĩpererire ããrĩmakũ iridi ããrĩmĩ. Irasiriro ããrĩpereri Īgũya dita ããrã. Irasirirã ããrĩpererã Īgũrẽ: “Ōãtaria mµ”, ãrĩ, usuyari sĩnĩkõãrã! Irasũta irirã!

12

Marĩpµ dorerire irinĩkõãka! ãrĩ gojadea

¹ Yaarã, Marĩpµ marĩrẽ bµro bopoñarĩ merã ããmi. Irasirirã marĩrẽ Īgũrẽ bµremurã waibµ sĩunaderosũta daporare marĩ basita sĩrõ gããmea. Irasirirã marĩ okaro bokatĩũrõpã Īgũyarã ããrĩrã Īgũ dorerire õãrõ irinĩkõãrã! Īgũrẽ marĩ merã usuyamakũ gããmerã, irasirirãkoa. Āsũ iriro gããmea marĩrẽ Īgũrẽ bµremurãrẽ. ² I µmµ marã Īgũsã ñerĩ iririkµrere neõ irinemobirikõãrã! Āsũpero gapµ ãrĩrã! Marĩpµre: “Gµa gũñarĩrẽ õãrĩ gapµre gorawayuwãgãnĩkõãka!” ãrĩrã! Īgũ marĩrẽ gorawayumakũ, marĩ Īgũ gããmerĩrẽ: “Āsũ ããrã”, ãrĩ masĩrãkoa. Īgũ gããmerĩ, õãrĩ dita ããrã. Iri, ñerĩ marĩrĩ ããrã. Marĩ Īgũ gããmerĩrẽ irirã, Īgũrẽ usuyamakũ irirãkoa.

³ Marĩpµ yµre õãrõ irigµ, mµsãrẽ Īgũya kerere weredoregµ beyedi ããrĩmĩ. Irasirigµ mµsãrẽ ããrĩpererãrẽ ãsũ ãrĩ weregµra. Neõ sugµ irimasĩbirikeregµ: “Yµ irikõãmasĩã”, ãrĩ gũñabirikõãrõ gããmea. Marĩ irimasĩrĩ direta: “Diaye irimasĩã”, ãrĩ gũñarõ gããmea. Irasirirã marĩ masakakµ ãsũ ãrĩ gũñarã: “Marĩpµ yµre irimasĩrĩ pídeare Īgũrẽ yµ bµremurõ oparosũta yµ bokatĩũrõ irimasĩã”, ãrĩ gũñarã! ⁴ Sugµ masakµya dupµ ãsũ ããrã. Su dupµ ããrĩkerero, wãri opãa. Wãri ããrĩkerero, sµrosũ moãbea. ⁵ I irirosũta marĩ Jesucristore

buremurã wárã ããrĩkererã, ïgũ merã ããrĩrã suguya dupu irirosũ ããrã. Irasirirã marĩ ããrĩpererã su dupuma moãrõ irirosũ yáa.

⁶ Irasirigũ Marĩpu marĩrẽ maĩgũ, marĩ masakakũre gajerosũperi dita marĩ irimasĩburire pídi ããrĩmĩ. Irasirirã irire õãrõ iriro gããmea. Marĩrẽ ïgũya kerere weretaudoregũ pímakũ, marĩ ïgũrẽ buremurõ oparosũta ïgũyare gajerãrẽ õãrõ weretauro gããmea. ⁷ Marĩrẽ gajerãrẽ iritamudoregũ pímakũ, ïgũsãrẽ õãrõ iritamurõ gããmea. Gajerãrẽ ïgũyare buedoregũ pímakũ, ïgũsãrẽ õãrõ buero gããmea. ⁸ Marĩrẽ gajerãrẽ gũñaturamakũ irimurãrẽ pímakũ, irire õãrõ iriro gããmea. Marĩrẽ gajerãrẽ ïgũsã gããmerĩrẽ sĩmurãrẽ pímakũ, gajinorẽ sĩrã õãrõ usuyari merã sĩrõ gããmea. Marĩrẽ gajerãrẽ doremurãrẽ pímakũ, õãrõ merã dorero gããmea. Marĩrẽ gajerãrẽ bopoñarĩ merã iritamumurãrẽ pímakũ, ïgũsãrẽ iritamurã usuyari merã iritamurõ gããmea.

Jesucristore buremurã ãsũpero ããrĩdorea, ãrĩ gojadea

⁹ Gajerãrẽ maĩrã, diayeta maĩka! Ñerĩrẽ dooka! Õãrĩ gapu direta iriwãgãníka! ¹⁰ Mũsã Jesucristore buremurã, sugu pũrã gãme maĩrõsũta mũsã merãmarã merã gãme maĩka! ïgũsãya ããrĩburire mũsãya nemorõ gũñaka! Buremurĩ merã õãrõ gãme iritamuka!

¹¹ Marĩ Opũ dorerire irirã, neõ tébori marĩrõ õãrõ usuyari merã irika!

¹² “Marĩpu õãrõ iritamugũkumi yũre”, ãrĩ, usuyari merã ïgũ iritamuburire yũka! Irasirirã ñerõ tarirã, Marĩpũre piriro marĩrõ sũrosũ

gũñaturari merã buremuníkõãka! Ìgũrẽ irasũ sërënikõãka!

¹³ Jesucristore buremurã gajino gããmemakũ Ìãrã, musã opari merã Ìgũsãrẽ iritamuka! Musãya wi-irigue ejarãrẽ õãrõ bokatĩrĩñeãka!

¹⁴ Musãrẽ ñerõ irirãrẽ Ìgũsãya ããrĩburire Marĩpũre sërëbosaka! “Ìgũsã yũre ñerõ iriri waja Ìgũsãrẽ wajamoãka!” ãrĩ sërëbirikõãka!

¹⁵ Gajerã usuyamakũ Ìãrã, Ìgũsã merã musãde usuyaka! Gajerã oremakũ Ìãrã, musãde Ìgũsã merã oreka!

¹⁶ Gajerã merã sũrosũ usuyari merã ããrĩrikuka! “Yũ gajerã nemorõ õãgũ ããrã”, ãrĩ gũñabirikõãka! Ubu ããrĩrã merãdere õãrõ ããrĩrikuka! “Masĩtarinũgãgũ ããrã yũ”, ãrĩ gũñabirikõãka!

¹⁷ Gajerã musãrẽ ñerõ irikerepũrũ, Ìgũsãrẽ ñerõ iri gãmibirikõãka! Ñerĩ gapũre irirõno irirã, ããrĩpererã masaka Ìũrõrẽ õãrĩ gapũre irika!

¹⁸ ããrĩpererã merã musã õãrõ ããrĩrikũburosũta musã bokatĩũrõ õãrĩrẽ irika!

¹⁹ Yaarã yũ maĩrã, gajerã musãrẽ ñerõ irikerepũrũ, ñerõ iri gãmibirikõãka! Musã basi Ìgũsãrẽ wajarãkũbirikõãka! Marĩpũ gapũ musãrẽ ñerõ irinerãrẽ wajamoãgũkumi. Ìgũya werenĩrĩ gojadea pũgue ãsũ ãrĩ gojasũdero ããrĩbũ: “Marĩ Opũ ãsũ ãrĩmi: ‘Yũ gapũ, masaka ñerõ iridea waja Ìgũsãrẽ wajamoãgũ ããrã. Ìgũsãrẽ diayeta wajamoãgũra’, ãrĩmi”, ãrĩ gojasũdero ããrĩbũ.

²⁰ Gaji ãsũ ãrĩ gojasũdero ããrĩbũ: “Mũrẽ Ìãturigu uaboamakũ Ìãgũ, baari ejoka! Ìgũ ñemesibusũmakũ Ìãgũ, iirĩri tĩãka! Mũ irasirimakũ, Ìgũ mũrẽ ñerõ

irideare gʷyasĩrĩgʷkumi”. 21 Irasirirã mʷsãrẽ ñerõ irinerãrẽ ñerõ iri gãmibirikõãka! Ñerĩ gapure irirono irirã, ĩgʷsãrẽ õãrõ irika! Irasiriri merã ñerĩ iririre tarinʷgãrãkoa.

13

1 Marĩpʷ dita i ʷmʷ marã oparãrẽ sóomi. ĩgʷ pĩnerã ããrĩma. Irasirirã ããrĩpererã ĩgʷsãrẽ õãrõ yʷjʷka! 2 Sugʷ oparãrẽ tarinʷgãgũno, Marĩpʷ pĩnerãrẽ tarinʷgãgũ yámi. Marĩpʷ ĩgʷsãrẽ tarinʷgãrãrẽ wajamoãgʷkumi. 3 Oparã, õãrõ irirãrẽ gũimakũ iribema. Ñerõ irirã gapure gũimakũ yáma. Gũimerãta ããrĩrikʷduarã, õãrõ irika! Irasirimakũ, oparã mʷsãrẽ: “Õãrõ yáa”, ãrĩrãkuma. 4 Marĩpʷ ĩgʷsãrẽ mʷsãya ããrĩburire iritamudoregʷ pĩdi ããrĩmĩ. Irasirirã ñerõ irirã gũika! Oparã, ñerĩ irirãrẽ wajamoãrã, Marĩpʷ dorero irirãta yáma. Marĩpʷ ñerõ irirãrẽ wajamoãdoregʷ oparãrẽ pĩdi ããrĩmĩ. 5 Irasirirã oparã marĩrẽ doremakũ, bʷremurĩ merã ĩgʷsã dorerire õãrõ yʷjʷro gããmea. Wajamoãrĩ, ãrĩrã dita yʷjʷbirikõãrõ gããmea. “Marĩpʷ iũrõ ĩgʷ gããmerĩrẽ iridʷakoa”, ãrĩ gũñarĩ merã ĩgʷsã dorerire õãrõ yʷjʷro gããmea. 6 Oparã ĩgʷsã moãrĩrẽ õãrõ irirã, Marĩpʷre moãboerã irirosũ ããrĩma. Irasirirã ĩgʷsã wajasearopã keoro wajarika!

7 ããrĩpererã oparã dorerosũta keoro irika! ĩgʷsã wajaseamakũ wajarika! ĩgʷsã gajinorẽ irimurã wajaseamakũde wajarika! Irasirirã mʷsã oparãrẽ bʷremuka! ĩgʷsãrẽ goepeyari merã iãka!

8 Neõ gajerãrẽ wajamorĩrẽ opabirikõãka! ĩgʷsãrẽ wajamorĩrẽ oparõno irirã, maĩrĩ gapure

opaka! Sugũ ĩgũ bokajagũnorẽ maĩrĩ merã iritamugũno, Marĩpũ doreri pídeare keoro irigũ yámi. ⁹ Āsũ ārã Marĩpũ doreri pídea: “Gajigũ marãpo merã, nomede gajego marãpũ merã ñerõ iribirikõãka! Masakare wějěbéobirikõãka! Yajabirikõãka! Gajerãyamarẽ ārĩgatori merã werebirikõãka! Gajerãyare ɯaribejabirikõãka!” ārĩ werea. Gaji ĩgũ doreri pídea āsũ ārã: “Mũ basi maĩrõsũta mũ pũro āārĩrãdere maĩka!” ārĩ werea. Mũsã gajerãrẽ maĩrã, Marĩpũ doreri pídea āārĩpererire irirã yáa. ¹⁰ Gajerãrẽ maĩgũno, ĩgũsãrẽ neõ ñerõ iribemi. Irasirigũ ĩgũsãrẽ maĩgũno, Marĩpũ doreri pídeare iripeogu yámi.

¹¹ I āārĩpererire gũñaka! Irasirirã pémasĩka! Kãrĩrã irirosũ āārĩbirikõãka! Marĩ iripoegue Jesucristoya kerere b̄aremupũrorirã, ɯmũgasigue marĩ waaburi d̄ɯyataria, ārãdibũ. Daporare marĩ masĩa. Jesucristo dupaturi aariburo mérõ d̄ɯyáa. ¹² Irasiriro boyomũrĩro irirosũ āārã. Irire masĩrã, ñerĩrẽ masaka naĩtĩārõgue iririre pirirã! Ōārĩrẽ boyorogue masaka ĩũrõ iriri gapũre irirã! Marĩ irasirirã, Marĩpũ turari merã ñerĩ iririre pirikõārãkoa. ¹³ Irasirirã masaka ɯmũ merã deyorogue ōārĩrẽ irirã irirosũ irirã! Bosenũrĩ āārĩmakũ, mejã, gainĩbirikõārã! Nome merã ñerõ iribirikõārã! Nomede ɯma merã ñerõ iribirikõãburo. Gajerã merã gãme guaseobirikõārã! Gajerãyare ububirikõārã! ¹⁴ Āsũ gapũ āārĩrikũrã! Marĩ Opũ Jesucristo iritamurĩ merã ĩgũ irirosũ ōārõ āārĩrikũrã! Marĩ ñerĩ ɯaribejarire iridũarire pirikõārã!

14

*Marĩ Jesucristore b̄remurā gāme
werew̄abirikōārō gāāmea*

¹ Suḡ Jesucristore b̄remuturabi āārĩkereḡ, ĩḡ m̄sā merā āārĩduamakū, ĩḡrē werew̄aro marĩrō ñeāka! ĩḡrē ñeārā, Marĩp̄yare masĩbirimakū ĩārā, ĩḡ merā guaseobirikōāka! ² Gajerā surāyeri Jesucristore b̄remurā: “Marĩ āārĩpereri baamakū ōāgorāa”, ārĩma. Gajerā gap̄ Jesucristore b̄remuturamerā: “Marĩ waib̄ dī baarā, Marĩp̄ dorerire tarin̄gābokoa”, ārĩ gūñama. Irasirirā oteri direta baarik̄ma. ³ Āārĩpererire baaḡ, oteri direta baaḡre irasū ĩābéobirikōāburo. Oteri direta baaḡde āārĩpererire baaḡre: “Irasū baamakū ñegorāa”, ārĩbirikōāburo. Marĩp̄ āārĩpereri baaḡdere: “Yaaḡ āārĩmi”, ārĩ ĩāsiadi āārĩmī. ⁴ Marĩ gajiḡre moāboeḡre: “Ñerō yāa”, ārĩmasĩbirikoa. ĩḡ op̄ dita irasū ārĩmasĩmi. Marĩ Jesucristore b̄remurāde irasūta āārā. Irasirirā marĩ gajerā Jesucristore b̄remurārē: “Ñerō yāa”, ārĩmasĩbirikoa. Marĩp̄ ĩḡsā Op̄ āārĩmi. ĩḡ suḡta ĩḡsārē: “Ōārō yāa, o ñerō yāa”, ārĩmasĩmi. ĩḡ turaḡ āārĩsĩā, ĩḡyarārē ĩḡrē ōārō b̄remuturamakū iriḡkumi.

⁵ Gaji werenemoḡra m̄sārē. Surāyeri: “Sun̄ta gajin̄rĩ nemorō Marĩp̄re b̄remurō gāāmea”, ārĩ gūñama. Gajerā gap̄: “Āārĩpererin̄rĩ s̄rosū, Marĩp̄ya āārā”, ārĩ gūñama. Irasirirā masakak̄: “Marĩp̄ ȳre āsū irimakū gāāmemi”, ārĩ gūñarō gāāmea. ⁶ Suḡ: “Irin̄no direta nerē, Marĩp̄re b̄remudorea”, ārĩ gūñaḡ, Marĩp̄re b̄remubu

irasũ ãrĩ gũñami. Gajigũ ããrĩpererire baagũde Marĩpũre: “Yũ baari, mũ sĩdea ããrã”, ãrĩ, ɯɯyari sĩmi. Irasirigũ ĩgũde Marĩpũre bũremugũta ããrĩmi. Gajigũ gajinorẽ baabide Marĩpũre bũremumi. ĩgũde Marĩpũre: “Yũ baari, mũ sĩdea ããrã”, ãrĩ, ɯɯyari sĩmi.

⁷ Marĩ okarã, boarãde marĩ basi: “Ãsũ irigũra”, ãrĩmasĩña máa. ⁸ Marĩ, Jesucristoyarã marĩ okarinũrĩrẽ ĩgũyare irimurã ããrã. Marĩ boadero pũruguedere ĩgũyarã ããrĩnĩkõãrãkoa. Irasirigũ marĩ okamakũ, marĩ boamakũdere Cristo marĩ Opũta ããrĩnĩkõãgukumi. ⁹ Irasũta ããrã. Cristo boa, pũrũ masãdi ããrĩmĩ ããrĩpererã okarã, boanerã Opũ ããrĩbu.

¹⁰ Iro merẽ, ɔnasirirã mũsã gajerã Jesucristore bũremurãrẽ: “Ñerõ yáma”, ãrĩ werewũari? ɔNasirirã ĩgũsãrẽ irasũ ĩãbéokõãrĩ? Cristo marĩ ããrĩpererãrẽ ĩgũ diaye nĩdoregukumi marĩ irideare werebu. Irasirirã gajerã Jesucristore bũremurãrẽ: “Ñerõ yáma”, ãrĩ werewũabirikõãrõ gããmea.

¹¹ Marĩpũya werenĩrĩ gojadea pũgue ãsũ ãrĩ gojasũdero ããrĩbũ:

Ãsũ ãrĩmi marĩ Opũ: “Yũ okagu ããrã. Yũ werenĩrĩ diayeta ããrã. ããrĩpererã yũ ĩũrõ ñadukũpuri merã ejamejãrãkuma. ããrĩpererã yũre: ‘Mũ, gũa Opũ õãgũ, turagu ããrã’, ãrĩrãkuma”, ãrĩ gojasũdero ããrĩbũ.*

¹² Irasirirã, Marĩpũ marĩ irideare sêrẽñamakũ, marĩ masakakũ ããrĩpereri marĩ irideare wererãkoa.

Neõ mũsã iriri merã gajerã Jesucristore bũremurãrẽ ñerĩ irimakũ iribirikõãka!

* 14:11 Is 45.23

13 Irasirirã gãme werewu^uanemobirikõãrã! ãsũ gapu^u ãrĩ gũñarã! “Gua iriri merã gajerã Jesucristore buremurãrẽ ñerĩ irimakũ iridubirikoa”, ãrĩ gũñarã! 14 Yu^u, marĩ Opu^u Jesucristore buremugũ, ãsũ õãrõ masĩa. ããrĩpereri Marĩpu^u baari pídea õãgoráa yure. Gajigu gapu^u: “Yu^u irire baamakũ, ñegoráa”, ãrĩ gũñamakũ, ãgũrẽ diayeta ñegoráa. 15 I diayeta ããrã. Gajigu Jesucristore buremugũ, ãgũ baabirire musã baamakũ ããgũ: “Iri Marĩpu^u baadorebiridea ããrã”, ãrĩ gũñakeregu, musãrẽ ããkũĩ, baabokumi. Irasũ baagu: “Ñerõ iriabu”, ãrĩ gũñarikubokumi. Irasirirã, ãgũ baabirire dupaturi baarã, ãgũrẽ maĩrã meta yáa. Cristo ãgũdere boabosadi ããrĩmĩ. Irasirirã musã baari merã gajigu Cristore buremugũrẽ poyanorëbirikõãka! 16 Irasirirã: “Gua ãsũ iriri õãgoráa”, ãrĩ gũñakerepu^u, gajerã gapu^u musãrẽ: “Ñerõ yáma”, ãrĩ werewuamakũ pérã, dupaturi irire irinemobirikõãka! 17 Marĩpu^u ãgũyarãrẽ doreri: baa, iiriri meta ããrã. I gapu^u ããrã. Diayemarẽ irinĩrĩ, ãgũ merã siuñajãrĩ opari, usuyari merã ããrĩrĩ ããrã. Irire Õãgũ deyomarĩgũ iritamurĩ merã irisũa. 18 Sugũ irasũta Cristoyare õãrõ irigu Marĩpũre usuyamakũ yámi. Masakade ãgũ õãrõ irimakũ ããrã, ãgũrẽ: “Õãrõ yámi”, ãrĩrãkuma.

19 Marĩpu^u merã siuñajãrĩ opamurã, marĩ basi gãme iritamumurã irasiriro gããmea. Irire irirã, Jesucristore buremunemowãgãnĩrãkoa. 20 Marĩpu^u Jesucristore buremurãnorë ãgũ merã õãrõ ããrĩmakũ yámi. Irasirirã, musã baari merã Marĩpũyare ãgũsã iririre pirimakũ iribirikõãka! Diayeta

ãārĩpereri Marĩpũ baari pídea õārĩ dita ãārã. Gajigũ ãgũ baabirire mũsã baamakũ ããgũ: “Iri Marĩpũ baadorebiridea ãārã, irire baagũ ñerõ iribokoa”, ãrĩ gũñakeregũ, mũsãrẽ ããkũĩ, baagũ ñerõ iribokumi. Irasirirã mũsã irire baarã, ãgũrẽ ñerõ irimakũ iribokoa. Mũsã irasiriri ñegorãa. ²¹ Gajigũ Jesucristore bũremugũrẽ marĩ iriri merã ãgũrẽ ñerĩ irimakũ iribokoa, ãrĩrã, ãsũpero iriro gããmea. ãgũ waibũ diĩ baabirimakũ ããrã, irire baabirikõãrõ gããmea. Igui deko pãmudeare ãgũ iirĩbirimakũ ããrã, irire iirĩbirikõãrõ gããmea. ãgũrẽ Jesucristore bũremuturabirimakũ iribirikõãrõ gããmea. ²² “Marĩpũ ãũrõ yũ iriri õãgorãa”, ãrĩ bũremugũno irimarẽ gajerã bũremuturamerãrẽ guaseobirikõãburo. Sugũ: “Marĩpũ ãũrõ ñerõ iribea, waja opabea, diayeta yãa”, ãrĩ gũñagũ, usuyari merã ããrĩgũkumi. ²³ Gajigũ gapũ: “Iri baarire baagũ, ñerõ iribokoa”, ãrĩ gũñarikukeregũ irire baagũ, waja opami. Irasirirã: “Marĩ ãsũ irirã, ñerõ iribokoa”, ãrĩ gũñarikukererã irire irirã, waja opãa. ããrĩpereri marĩ irasiriri, ñerĩ iriri ããrã.

15

Gajerãya ããrĩburidere gũñarõ gããmea, ãrĩ gojadea

¹ Marĩ Jesucristore bũremurã, ãgũrẽ bũremuturamerãrẽ iritamurõ gããmea. Marĩya ããrĩburi direta iribirikõãrõ gããmea. ² Marĩ masakakũ marĩ pũro ããrĩrãya ããrĩburire gũñarõ gããmea, ãgũsãde Jesucristore bũremunemowãgãburo, ãrĩrã. ³ Cristode ãgũyama direta iribiridi ããrĩmĩ. Marĩpũya gapũre iridi ããrĩmĩ. Irasiriro ãgũrẽ waadeare Marĩpũya

werenírĩ gojadea pũgue ãsũ ãrĩ gojasũdero ããrĩbú:
 “Mũrẽ ñerõ werenírã, yũguere ãrĩmeétuma”.

⁴ ããrĩpereri iripoegue Marĩpũya werenírĩ gojadea
 marĩrẽ buedorero gojasũdero ããrĩbú. Irire buerã,
 gũñatura, õãrõ yũjũpũrãkũrãkoa. Irasirirã ñerõ
 tarirã, Marĩpũ iritamuburire usũyari merã yúa.

⁵ Marĩpũ marĩrẽ gũñatura, õãrõ yũjũpũrãkũmakũ
 irigu, Jesucristo gããmerõsũta mũsãrẽ sugũ pũrã
 irirosũ sũrosũ ããrĩrikũmakũ iriburo. ⁶ Irasirirã
 mũsã ããrĩpererã suro merã Marĩpũre marĩ Opũ
 Jesucristo Pagũre: “Õãtaria mũ”, ãrĩ, usũyari
 sĩrãkoa.

Jesucristo judío masaka ããrĩmerãrẽ tauburire go- jadea

⁷ Jesucristo ãgũ marĩrẽ ñeãderosũta marĩde
 gajerãrẽ õãrõ gãme bokatĩrĩñeãrõ gããmea,
 ããrĩpererã Marĩpũre: “Õãtaria mũ”, ãrĩburo, ãrĩrã.

⁸ Mũsãrẽ ire werea. Marĩpũ gũa ñekũsãmarãrẽ ãgũ:
 “Ãsũ irigũra”, ãrĩdeare diaye iridi ããrĩmĩ. Irasirigu
 Jesucristo judío masakare iritamugũ i ãmũguere
 aaridi ããrĩmĩ. ãgũ irasiriri merã ãgũ Pagũ ãrĩdeare
 iri ãmupeodi ããrĩmĩ. ⁹ Irasũ ããrĩmakũ, judío masaka
 ããrĩmerã: “Marĩpũ guadere bopoñagũ õãtarimi”,
 ãrĩdoregũ, aaridi ããrĩmĩ. Marĩpũya werenírĩ
 gojadea pũgue gojaderosũta irasiridi ããrĩmĩ. ãsũ
 ãrĩ gojasũdero ããrĩbú:

Marĩpũre ãsũ ãrĩmi: “Judío masaka ããrĩmerã
 watopegue mũrẽ usũyari sĩgũra. ‘Turatarigu
 ããrã’, ãrĩ bayapeogũra mũrẽ”, ãrĩmi, ãrĩ
 gojasũdero ããrĩbú.✧

✧ 15:9 2 S 22.50; Sal 18.49

10 Gajeroguedere àsũ ãrĩ gojasũdero ããrĩbú:
 Mũsã judío masaka ããrĩmerã Marĩpũyarã judío
 masaka merã usuyaka! ãrĩ gojasũdero
 ããrĩbú.✠

11 Gajeroguedere àsũ ãrĩ gojasũdero ããrĩbú:
 ããrĩpererã judío masaka ããrĩmerã Marĩpũre:
 “Õãtaria mũ”, ãrĩ, usuyari sĩburo. ããrĩperero
 marã masaka: “Ìgũ turatarigũ ããrĩmi”,
 ãrĩburo, ãrĩ gojasũdero ããrĩbú.✠

12 Isaiãde àsũ ãrĩ gojadi ããrĩmĩ David pagũ, Isai
 wãikũgũre gojagu:

Isai parãmi ããrĩturiagu aarigũkumi. Irasũ aarigũ,
 judío masaka ããrĩmerã Opũ ããrĩgũkumi.
 Ìgũsã ìgũrẽ: “Gũare taubu ããrĩmi”, ãrĩ
 bũremurãkuma, ãrĩ gojadi ããrĩmĩ.✠

13 Marĩpũ marĩrẽ ìgũ õãrõ iriburire usuyari merã
 yũmakũ irigu, mũsãrẽ ìgũrẽ bũremurãrẽ usuyari,
 siuñajãrĩ sĩnemoburo. Irasirirã mũsã Õãgũ dey-
 omarĩgũ iritamurĩ merã nemorõ usuyari merã
 yũrãkoa.

14 Yaarã mũsã, yũ péñamakũ, Jesucristore
 bũremurã, gajerã merã õãrõ ããrĩrikũa. Cristoyare
 õãrõ masĩa. Irasirirã mũsã basi irire õãrõ gãme
 weremasĩa. 15 Mũsã irasũ masĩkerepũrũ, i papera
 pũguere gũiro marĩrõ irire gojãa, mũsã masĩdeare
 kãtibirikõãburo, ãrĩgũ. Marĩpũ yũre õãrõ irigu,
 mũsãrẽ Jesucristoyare buedoregũ pími. 16 Ìgũ yũre
 irasũ pímakũ, paĩa Marĩpũre gajino sĩrõ irirosũta yũ
 judío masaka ããrĩmerãrẽ ìgũrẽ wiadũakoa, ìgũyarã
 ããrĩburo, ãrĩgũ. Irasirigũ ìgũsãrẽ Jesucristoya

✠ 15:10 Dt 32.43 ✠ 15:11 Sal 117.1 ✠ 15:12 Is 11.10

kerere buea. Y_u irasũ buemakũ pérã, Jesúre b_uremurākuma. Īgūsã irasũ b_uremumakũ ĩãgũ, Marĩp_u ĩgūsãrẽ: “Ōãrã ããrĩma”, ãrĩ ĩãgukumi. Ōãgũ deyomarĩgũ ĩgūsãrẽ Marĩp_uyarã waamakũ irigukumi. Irasirig_u Marĩp_u ĩgūsãrẽ: “Yaarã ããrĩma”, ãrĩ ñeãgukumi.

17 Y_u Jesucristore b_uremugũ, ĩgũ iritamurĩ merã Marĩp_u y_ure pídeare òãrõ yáa. Irasirig_u y_u moãrĩ merã òãrõ péñáa. 18 Irasirig_u Jesucristo y_u merã iridea direta m_usãrẽ weregura. M_usã judío masaka ããrĩmerãrẽ Marĩp_ure b_uremumakũ gããmesãgũ, y_ure iritamumi. Irasirig_u y_u bueri merã, y_u iriri merã m_usã judío masaka ããrĩmerãrẽ Marĩp_ure b_uremumakũ irimi. 19 Y_u, Marĩp_u turari merã iri ĩmurĩ merã, Ōãgũ deyomarĩgũ iritamurĩ merã m_usãrẽ bueb_u. Irasũ bueg_u, Jesucristo masakare tauri kerere Jerusalén merã buep_urori, p_ur_u ããrĩpererogue buegorena, p_ur_u Ilírico wãik_uri nikũgue iri kerere buetũnub_u. 20 Gajerã buesũña marĩrõgue Jesucristoyare masĩmerãrẽ b_uro bued_uari merã bueb_u. Irasũ bueg_u, gajerã ĩgūsã buedeaguere buewekapeobirib_u. 21 Irasũ bueg_u, Marĩp_uya werenĩrĩ gojadea pũgue gojasũderosũta irib_u. Āsũ ãrĩ gojasũdero ããrĩb_u Cristore masĩbirinerã masĩburire:

Īgũya kerere neõ pébirinerã weresũrākuma.

Īgũyare neõ pébirinerã òãrõ pémasĩrākuma,
ãrĩ gojasũdero ããrĩb_u.✧

Pablo ĩgũ Romague waaburire gojadea

22 Y_u gaji makārī marārē buegorenasīā, wāri m_usārē īāgū waad_uakereg_u, waamasībirib_u dapa.

23 Dapagueta iri makārīguere y_u moārī peoa. Irasirig_u iripoegueta m_usā p_urogue waad_uanīdi āārīsīā, p_ur_u weya irogue waag_ura, m_usā merā āārību.

24 Irasirig_u Españague waagú, m_usā p_uro eja, m_usārē īā, _us_uy_u, m_usā merā mérōgā āārī, p_ur_u m_usā y_ure iritamurī merā tariag_ura.

25 Daporare Jerusalēgue waap_uroribu yāa dapa. Iro marārē Jesucristore b_uremurārē iritamugū, niyeru āābu yāa.

26 Jesucristore b_uremurā Macedonia, Acaya marā Jerusalēgue āārīrārē boporārē gūña, niyerure neō, iriud_uama īgūsārē iritamurā. Irasirig_u irogue iri niyerure īgūsārē sīgū waabu yāa.

27 Judío masaka āārīmerā Macedonia, Acayague āārīrā, judío masaka Jerusalēgue āārīrārē gūñama īgūsārē iritamumurā. Īgūsā irasū gūñarī ōāgorāa. Judío masaka, judío masaka āārīmerā gap_ure Jesucristoya kerere werep_urorima. Irasirirā judío masaka āārīmerā Jesucristore b_uremurā, Marīp_u judío masakare: “Sīg_ura”, ārīdeare īgūsāde ñeāma. Irasirirā judío masaka āārīmerā īgūsā opari merā judío masakare boporārē iritamurō gāāmea.

28 Irasirig_u Jerusalén marārē iri niyerure y_u sī odoadero p_ur_u, Españague waagú, m_usārē īātariag_ura.

29 Y_u m_usā p_urogue waagú, Jesucristoya kerere m_usārē wereg_ukoa. Irasirirā m_usā iri merā ōārō y_uj_upūrāk_urākoa.

30 Yaarā, m_usā marī Op_ure Jesucristore b_uremua. Ōāgū deyomarīgū marīrē gāme maīmakū yāmi. Irasirig_u y_u m_usārē āsū irimakū gāāmea.

Yure iritamurã, yaa ããrĩburire Marĩpure sērēbosaka, yu moãrĩmarē! ³¹ Īgūrē yaa ããrĩburire ãsũ sērēbosaka! Judea nikũ marã Jesũre bũremumerã yure ĩgũsã ñerõ iridũamakũ, Marĩpu yure iritamuburire sērēka! Jerusalén marãrē iri niyerure yu sĩmakũ, ĩgũsã irire usũyari merã õãrõ ñeãburire sērēka! ³² Mũsã irasũ sērēmakũ, Marĩpu gããmemakũ, usũyari merã mũsã puro waagũkoa. Irasirigu mũsã merã usũya, siuñajũgũkoa. ³³ Marĩpu marĩrē siuñajãrĩ merã ããrĩmakũ irigu, mũsã ããrĩpererã merã ããrĩburo. Irasũta ããrĩburo.

16

Pablo Romague ããrĩrãrē õãdoreri gojadea

¹ Gũa merãmo Jesucristore bũremugõ Febe wãikũgo mũsã purogue waabo yãmo. Igo Cencrea wãikũri makãgue Jesucristore bũremurãrē iritamugõ ããrĩmo. ² Mũsã Jesucristore bũremurã usũyari merã igore bokatĩrĩñeãka! Marĩrē Jesucristore bũremurãrē irasũta õãrõ bokatĩrĩñeãrõ gããmea. Igo wãrãrē iritamudeo ããrĩmo. Yũdere iritamumo. Irasirirã, igo gajino gããmemakũ iritamuka!

³ Aquila, ĩgũ marãpo Priscilade õãburo. Jesucristoyare yu buemakũ, ĩgũsãde yure buetamuma. ⁴ Gajerã yure wējẽdũamakũ, ĩgũsã yure iritamurĩ waja ĩgũsãdere mērõ wējẽboyama. ĩgũsã yure irasũ õãrõ iritamurĩrē yu dita Marĩpure usũyari sĩbea. Judío masaka ããrĩmerã Jesucristore bũremurã ããrĩpererã Marĩpure usũyari sĩma. ⁵ Jesucristore bũremurã Aquilaya wiigue nerēnarãde õãburo. Yu maĩgũ Epenetode õãburo. ĩgũta Asiaguere Cristore

buremurorinugãdi ããrĩmĩ. ⁶ Mariade õãburo. Igo mũsã merã bure moãyuro. ⁷ Yaarã Andrónico, Juniade õãburo. Peresu yũ ããrĩmakũ, ãgũsãta yũ merã ããrĩmã. Yũ Cristore buremuburi dupuyuro ãgũsã gapũ buremunugãsianerã ããrĩmã. Jesũs buedoregũ pĩnerã ãgũsãrẽ: “Diayeta õãrã ããrĩma”, ãrĩ werenĩma.

⁸ Amplias yũ maĩgũ Jesũre buremugũ õãburo. ⁹ Urbano õãburo. ãgũde gũa merã moãmi, Jesucristoya kerere masakare buegũ. Yũ maĩgũ Estaquide õãburo. ¹⁰ Apelede õãburo. ãgũ diayeta Jesucristore õãrõ buremumi. ãgũ iririkũrire ããrã: “Cristore õãrõ buremugũ ããrĩmĩ”, ãrĩ masĩa. Aristóbuloya wii marãde õãburo. ¹¹ Gajigũ yaagũ judío masakũ Herodiõde õãburo. Narcisoya wii marã marĩ Opũ Jesũre buremurãde õãburo. ¹² Trifena, Trifosa õãburo. ãgũsã nome marĩ Opũ Jesũyare moãma. Gũa maĩgõ Pérsidade õãburo. Igode marĩ Opũ Jesucristoyare bure moãmo. ¹³ Rufode õãburo. ããrĩpererã ãgũrẽ: “Jesucristore õãrõ buremumi”, ãrĩ ããma. ãgũ pagode õãburo. Igo, yũpo irirosũta yũre õãrõ irimo. ¹⁴ Asíncrito, Flegonte, Hermes, Patrobas, Hermas, gajerã Jesũre buremurã ãgũsã merã ããrĩrãde õãburo. ¹⁵ Filólogo, Julia, Nereo, ãgũ pagumode Olimpã, gajerã Jesũre buremurã ãgũsã merã ããrĩrãde õãburo.

¹⁶ Mũsã gãme õãdorerã, õãrõ mũyari merã, buremurĩ merã pãbũa õãdoreka! ããrĩpererã Jesucristore buremurã mũsãrẽ õãdoreri iriuma.

¹⁷ Yaarã mũsã Jesucristore buremurã, surãyeri mũsã watopegue ããrĩrã ãgũsã iriri merã mũsãrẽ

ñerō irimakū, m̄sārē gāme dukawarimakū irid̄hama. Irasirirā, m̄sārē Jesúyare buedeare goroweod̄hama. Irasirirā irasū āārīrārē wapik̄birikōāka! ¹⁸ Īgūsā, marī Op̄u Jesucristo dorerire irirā meta āārīma. Ñerīrē Īgūsā h̄aribejari direta irirā āārīma. Īgūsā ōārō péma ōārī werenírī merā pémas̄itramerārē ārīgatoma. Īgūsā irasū ārīgatomakū, Īgūsārē ōārō pét̄h̄yama. Irasirirā ārīgatorimasārē wapik̄birikōāka! ¹⁹ Āārīpererā masaka m̄sā Jesucristoyare ōārō iririre mas̄isiamā. Irasiriḡu ȳh m̄sā merā b̄uro h̄sh̄yāa. Ȳh m̄sārē ōārī gap̄ure mas̄imakū gāāmekoa. Neō ñerī tamerārē gāāmesābirikoa. ²⁰ Marīp̄u marīrē ōārō siuñajārī merā āārīmakū iriḡu, mérōgā p̄ru wātēa op̄u Satanárē béoḡukumi, m̄sārē neō tarin̄gānemobirikōāburo, ārīḡu. Marī Op̄u Jesucristo m̄sārē ōārō iritamunikōāburo.

²¹ Timoteo ȳh merā Jesucristoya kerere weretamugorenagū m̄sārē ōādoremi. Yaarā Lucio, Jasón, Sosípater m̄sārē ōādorema.

²² Ȳh, Tercio wāik̄ḡu i pūrē Pablöre gojabosáa. Īḡu ȳhre gojadorerire gojatúa. Irasiriḡu ȳhde Jesucristore b̄remugū, m̄sārē Jesucristore b̄remurārē ōādorea.

²³ Ȳh Pablo, Gayoya wii āārā. Īḡuya wiiḡue Jesucristore b̄remurā nerēnama. Īḡude m̄sārē ōādoremi. Erasto, i makā marā oparārē niyeru duripíboerimasū m̄sārē ōādoremi. Cuartode Jesucristore b̄remugū m̄sārē ōādoremi.

²⁴ Marī Op̄u Jesucristo m̄sārē āārīpererārē ōārō iritamuburo. Irasūta iriburo.

Pablo usuyari merã gojatũnudea

²⁵ Daporare Marĩpũre: “Õãtaria mũ”, ãrĩ, usuyari sĩrã! Marĩpũ, marĩ Opũ Jesucristoya kere merã marĩrẽ ãgũrẽ nemorõ bũremumakũ yãmi. Yũ iri kerere, Marĩpũ ãgũ Cristo merã marĩrẽ tauri kerere werea mũsãrẽ. Neõgoragueta Marĩpũ ãgũ masakare: “Taugũra”, ãrĩdea ããrĩsiadero ããrĩbũ. Irasũ ããrĩkerepũrũ, ããrĩpererã masaka gapũ irire masĩbirinerã ããrĩmã. ²⁶ Daporare Marĩpũyare weredupuyunerã gojadea kere merã ãgũ marĩrẽ: “Taugũra”, ãrĩdeare marĩ masĩa pama. Marĩpũ ããrĩnĩgũ ãgũ dorerosũta ããrĩpereri buri marãrẽ iri kerere, masaka iripoegue masĩbirideare masĩmakũ yãmi. ããrĩpererã masakare ãgũrẽ bũremu, ãgũ dorerire iriburo, ãrĩgũ, irasũ yãmi. ²⁷ Marĩpũ suguta ããrĩmi. ãgũ suguta ããrĩpererire masĩpeogu ããrĩmi. Irasirirã Jesucristo iritamurĩ merã ãgũrẽ: “Õãtaria mũ”, ãrĩ bũremunĩkõãrã! Irasũta irirã!

Iropãta ããrã.

Pablo

Marĩpuya Kerere Wereri Turi New Testament in Siriano

copyright © 2009 Wycliffe Bible Translators, Inc.

Language: Siriano

Translation by: Wycliffe Bible Translators, Inc.

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Siriano

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

PDF generated using Haiola and XeLaTeX on 22 Feb 2024 from source files
dated 29 Jan 2022
1a0774e8-d152-5929-891b-95e0d2238786